

**TAKƏLAYA KANCAALAYA NYƏŇKA
ŇKA PƏDLI NMAAWA
KƏLƏNTI
NYƏMA TƏ
Kətəltə**

Pədlı nuwa Kələnti İso təsele taa isayatu təm isu yooŇ, na fayaw, na wasaŇkalətu, na akpaxale, na nantu kulalaatu təyət, na nsəma lenna yəyətəyət, na sətəa fem təm.

İsəna pa faya Kələnti I takəlaya tə:

Kələnti İso təsele wəetu, titite 1-6

Pədlı cəəki İso yəlaa kpekəle kərəəsət, titite 7-15

Kantəkaya kətətətə na səetu, titite 16

Səetu

¹ Maya Pədlı, İso luyə lapəna na má la Yesu Kilisiti tillu. Má na tá taarəw Səsətəeni tə Ňmaakəna takəlaya kanə.

² İso seelaa kpekəle nyəma mpa me í we Kələnti taa təyət tə Ňmaa-ke. Me mpa İso yaawa si í la í nyəma, na mə na Yesu Kilisiti mə krentəyət təw í ti-me tə. Mə na pa təna mpa pa we paa timpı na pá yaaki Tacaə Yesu Kilisiti wei í ké tá na-we tá Səsə tə í hətə tə. ³ Tacaə İso na tá Səsə Yesu Kilisiti pá la-meyə pəlele na pá ha-meyə alaafəya.

İso kərəntənaa

⁴ Ma sēe ma İso ké tam si í na təmle ke mə təw ké pəlele nna í lapa-meyə Yesu Kilisiti kin tə a təw.

⁵ Kərəm mə na Kilisiti mə krentəyət təw pə saa-meyə təcəm. İlena pə tu kələna yəyətəya na nyəm pə saaw.

6 Tampana nna pa yəγətə Kilisiti təə tə a səŋə mə hekv ke teu təca. 7 Na pə wə mpv təγə İso yelaa na pə tənə pə saa-mə. Mə mpa í tanja wule nte Tacaa Yesu Kilisiti ká hólí ı tı tə. 8 Tacaa Yesu Kilisiti ını ı ka təkəna-məγe teu haləna tənaya. İlena kuyanku ı kuyaku ká tala tə pá taa na kawalaya nakələyi mə kin. 9 İso wei ı yaa-mə sı mə na ı Pəyaya Tacaa Yesu Kilisiti í krentı tə, mpi mpi ı təma sı ı ká la tə, ı təkə-wəyi, ı yeki.

Kələnti İso seelaa fei nəγə kvlmaya

10 Təv, ma taapalaa ma wiikəna-mə sı í nyəna Tacaa Yesu Kilisiti na í lá nəγə kvlmaya, na fayasuyv í taa wəe mə hekv. ı krentı teu, í mayasəyi ləmayasəe kvlməe, í hvvki hvwəe kvlməe. 11 Ma taapalaa, pə taya pvlv təə, Kolowee təyaya nyəma heela-m sı í yooki ké. 12 Nti ma caa yəγətuyv təγəle sı mə taa paa wei na ı nyəntv ké na tə mpa. Ləlv təŋ sı: Pəəli təə ké ma wəe. Na ınə ílé sı Apələəsı təə ké ma wəe. ınə ílé sı Piyəe təə ké ma wəe. Na ınə ílé sı Kilisiti təə ké ma wəe. 13 ı hvvki sı Kilisiti faya ı taa təyərəle ké? Pəəli səpəna səm tesika təə ké mə təə? Pəəli həte ke pa yaanaa na pá sə-məγe İso lvm na?

14 Ma sama İso ké timpı ma ta sə mə taa nəγəlvv İso lvm tə, ye pə taya Kəlisipusi na Kayusi pa paasi. 15 Pə təə ké nəγəlvv kaa yəγətı təfoo sı Pəəli həte ke pa yaanaa na pá səna-məγe İso lvm. 16 Eəhəe ma səəwa, ma sə Sətəfanası təyaya nyəma tətəγə İso lvm. Ye pə kaasa ləlaa ma ta təəsı pa təə. 17 Pə taya İso lvm səv təə ké Kilisiti tila-m. Ama ı tila-m ké sı má kpaalı Laapaalı Kupaŋ. Na ye ma kpaaləyi-ı, má taa kpaaləna yvlv ləmayasəe nəəlelən. Pəćó pə taa kəə na Kilisiti tesika təə səm təm məli yem.

Yesu Kilisiti kəna İso toma na i ləmayasəe

¹⁸ Letaa isəntaa, Yesu tesika tō səm təm kə kumələntu təm kə. Ama tá mpa pə təηna tá nyōη yaru tō İso toma nté taγa təna. ¹⁹ Pa ηmaawa İso Təm taa si:

Maa wakəli ləmayasəe nyóma ləmayasəe, maa lə nyəntaa nyəm.

²⁰ Ləmayasəe tu tasəyi ntiyi yōγətuyu tətō? Na ntiyi akewe ká tasa yōγətuyu? Yaa ntiyi antulinya inə i taa ləmayasəe tu ká mayasi tətō? İso hulaa si antulinya inə i taa, mpi pa yaa ləmayasəe tō, pə kə kumələntu kə.

²¹ Pə taγa pulu, antulinya taa yəlaa na pa ləmayasəe pa kpisa İso kə nyəm ke timpi İso ná lapəna i ləmayasəe si pá nyəna-i tō. Pə tō kə İso huυ teu si, i ká ya mpa pa təηna-i pa taa tō, na Laapaalı Kupaη wei tō kpaaləyi tō. Laapaalı kupaη inəyi wei i ta na tō i yaa si kumələtəm. ²² Yuta nyóma ná caa pá ná piti təma na pécó. Ama ləmayasəe ke Kələeki nyóma ná pəkəyi.

²³ Ama tá ilə, Kilisiti wei pa kama səm tesika tō tō i təm ke tō kpaaləyi. Təm tənə tə huγi Yuta nyóma, na mpa pələ pa ta ke Yuta nyóma tō pa nyənəyi-təyi kumələtəm kə. ²⁴ Ama mpa İso yaawa tō, paa Yuta nyóma taa, paa mpa pa ta ke Yuta nyóma tō pa taa tō, Kilisiti kəna-wəyε İso toma na İso ləmayasəe. ²⁵ Pə taγa pulu tō, yulu pəyaya ləmayasəe təna ta tala İso kumələntu, na pa toma təna ta tala İso icantv tete.

²⁶ Kupam, ma taapalaa, í nyəni na í ná si İso yaavme na í la kpekəle tō, antulinya taa cənə mpa pa yaa ləmayasəe nyóma tō pa fəi payalə ke mə həkυ, na toηtənaa fəi payalə, na awulumpiya fəi payalə.

²⁷ İso ləsəna mpi antulinya yəlaa yaa si kumələnyəm tō si pə tu ləmayasəe nyóma ke fəelə. Na i ləsa

mpi antulinya yɛlaa yaa sɪ ɪcantu tɔ sɪ pɛ tu akpala nyɛma ke fɛɛɛ. ²⁸ Na ɪ lɛsa mpi antulinya yɛlaa nyɛnɛɣɪ taalɛm na pɛ footiyi na paa nyɛnɛɣɪ-wɛɣɪ pulu mayamaya tɔ, sɪ pɛ wakɛli mpi pa tɔɣuna nyuɣu tɔ. ²⁹ Uɛ yulu pɛyaya nakɛli ka kaa sa ka tɔɣɪ Iɔ ɪsentaa. ³⁰ Ama Iɔ kpɛnta mɛ na Yesu Kilisiti kɛ, na ɪ lapa na Kilisiti pɛsɪ tɛ lɛmayasɛɛ. Kilisiti tɔɔ kɛ Iɔ nyɛnɛɣɪ-tɔɣu yulupama. Inɪ ɪ lapɛna na tɛ pɛsɪ Iɔ nyɛma, na kulɔm inɪ ɪ yarɛna tɛ nyɛɛɛ. ³¹ Pɛ tɔɔ kɛ pa ŋmaawa Iɔ Tɔm taa sɪ: Ye wei ɪ caa ɪ sa, ɪ sa nti Taa lapa tɔ, ɪ taa sa ɪ ti.

2

Kilisiti sɛm tɔm heeluyɪ

¹ Ma taapalaa, waatu wei ma kɔma mɛ tɛ sɪ ma heeliyi-mɛɣɛ Iɔ tampana nna a ŋmelaa tɔ a tɔm tɔ, pɛ taya nɔɔleɛɛ wawawa nuli, yaa nyɛmtu natɛlɛɣɪ ma lapɛnaa. ² Ma cayale tɛnaya mɛ kin ma ta caa sɪ mɛ la natɛlɛɣɪ mɛ hɛku ke yem na pɛ tɛ kɛ Yesu Kilisiti tɔm. Isu pa kama-ɪ sɛm tesika tɔɔ tɔ pɛ tɔm mayamaya ke ma siyisinaa. ³ Pɛ tɔɔ kɛ ma poluyɪ mɛ tɛ tɔ ɪcantu taa kɛ, na ma selayana sɔɣɔntu kɛ. ⁴ Pɛ taya yulu lɛmayasɛɛ yekuyɪ na pɛ yɔɣɔtɛɣɪ tɔmnaa na canɛm ke ɪsɛna mpi tɔɣɔ ma sɛɣɛsɛna ma sɛɣɛsɛɛ na mɛ lana ma waasu. Ama Iɔ Feesuyɪ toma ke ma lapɛnaa, na a naa mpɔ tɛkeɛɛ. ⁵ Uɛna mɛ Iɔ sɛɛu sɛɛ Iɔ toma tɔɔ, pɛ taa sɛɛ yɛlaa lɛmayasɛɛ tɔɔ.

Mpi Iɔ yaa lɛmayasɛɛ tɛsiyisiyi tɔ

⁶ Paa na mpɔ tɔ, mpɛ pa pu Iɔ nyɛm taa tɔ lɛmayasɛɛ mpɛaav ke ma hulɛɣɪ-wɛ. Ama pɛ taya lɛmayasɛɛ nna antulinya inɛ na mpɛ pa kɛ ɪ tɔɛtɔnaa na paa tɛ na pɛ kpiisi-wɛ tɔ pa yaa lɛmayasɛɛ tɔ.

⁷ Ama İso ləmayasəe mukaya tee nyəna nna a ηmela yəlaa tə a təm ke ma kpaaləyi. İso ka ləsəna-yə na í su tá teeli təə na pəcə pá la antulinya. ⁸ Antulinya taa cəne tonṭvnaa taa nəyǝlv ta cəkəna İso ləmayasəe ane. Pə taya yulv, ye paa cəkənaa pa taa ká Taca teeli tv ke səm tesika təə. ⁹ Pə lapaya İsu pa ηmaav İso Təm taa tə si:

Mpi yulv ta tu nav na ı ta nu pə təm tə.

Mpi pə təə yulv ta tu huṭ tə,

İso tayana-wəyi mpa pa səla-ı tə pa təə.

¹⁰ Tá təə ké İso kula kηmelətv tənə na Feesuyu Naηηtv kiη. Mmm Feesuyu Naηηtv wiiliyi pə təna pə taa ké si kv naa. Paa nti tə pəle İso tvyi na tē ηmelaa təkulukulu tə mayamaya. ¹¹ Pə wəv yəlaa taa tə awe nyəη lelv taa təm? Ye pə taya yulv ləmayasəle nte tə wə ı taa tə n̄té tu nyəna ı təm. Mpu tətəyǝ na İso Feesuyu, ηkv kv nyəmna İso nyəntv təna. ¹² Pə taya antulinya inə ı ləmayasəle ke pə tv-tv. Ama Feesuyu ηkv kv lina İso kiη təyǝ, si tē cəkəna pə təna mpi İso ha-tv tə pə təm. ¹³ Pə taya yulv ləmayasəe seyesuyv nəələleη wei təyǝ tə yǝyǝtəyǝna pə təm. Ama nti İso Feesuyu seyesəyi təyǝ. Pə təə ké mpa pa wəna İso Feesuyu tə tə kəsəyi-wəyε İso nyəm tampana.

¹⁴ Wei ı feina İso Feesuyu tə u pəsəyi na í mv Feesuyu kvne kv tampana. ı yaa-təyi kvmelətvəm ké, na u tu pəsəyi tə cəkənav mayamaya. Mpi pə təə tə, wei ı wəna Feesuyu tə inı ı paasi ı cəkəyənana-tı.

¹⁵ Yulv wei ı wəna İso Feesuyu tə inı ı cəkəyənana tə təna. Nəyǝlv fei wei ı pəsəyi na í cəkəna Feesuyu ηkv kv təm tə. ¹⁶ Pa ηmaa İso Təm taa si:

Awe nyəmna Taca huwεε?

Awe pəsəyənana na í tasa-ı təm?

Ama tá ile, Kilisiti huwεε ke tá wəna.

3

İsə təmlə nyəma

¹ Ma taapalaa, tampana təə isəntə, ma ile ma ta pəsi na má yəyətəna-me isü pa yəyətuyuna mpa pa wəna İsə Feesuyü tə. Ama ma yəyətəna-meyə isü pa yəyətuyuna mpa pa təhəyi antulinya inə i hūwəe tə, isü piya kəsəkəsənaa kə İsə sēev taa. ² Pə wə isü kafa kə ma suukaya-me, pə taya mütü. İ taa nyənta təyüv tə pə təə, na haləna saŋa í ta nyənta təyüv. ³ Mpi tə, í təhna antulinya inə i hūwəe kə təhuyüv kə. İsəsemle na yooü pə wəv mpyüv mə heküv tə, mpv inü pu hóləyí sɪ antulinya hūwəe kə í təhəyi? Pu hóləyí tətə sɪ í lakı kə isü yəlaa kə yem, pə taya İsə sēelaa? ⁴ Pə taya pulv, ləlv təhuyüv sɪ Pəəli təə kə ma wəe, na inə ílé sɪ Apələəsɪ təə kə ma wəe tə, pə taya ma ta nyi isənaa kulaputv kə í lakı mpv?

⁵ Aweyē pa yaa Apələəsɪ? Na aweyē Pəəli ye? Ta naale tə kə İsə təmlə nyəma mpa pa lapa-me na í tē İsə na mə taa təyüv. Paa tá taa wei i lapa na í yoosi nti Tacaa tɪ-i sɪ í la təyüv. ⁶ Mayalə tuyv səlv na Apələəsɪ pələna lvm kə kv təə. Ama İsə lapəna na kv tēe. ⁷ Pə təə kə tuyv səlv na lvm pəllv pa ta kə pulv. Ama İsə kēle təm tɪ, inü i lapəna na tuyv tēe. ⁸ Tuyv səlv na kv təə lvm pəllv pa teitei kə. İsə ká kēsəna paa wei i təmlə na í felı-i. ⁹ Pə taya pulv təə, tá təmlə taa tə kə təma taapalaa kə, na İsə kə tə lakı təmlə, na mə kəna İsə təmlə.

İ wəe tətəyüv isü kutuluyüv ŋku İsə ŋmaakı tə. ¹⁰ İsə yelina na pə saa-m, na ma tu paasaa kə na má su kite isü ŋmalv kupaŋ sukuyüv tə. Ama pənente ləlv tənəyəna pə təə. Paa wei í la laakalı na í kəna isəna i tənəyi tə yoo. ¹¹ Pə taya pulv təə, Yesu Kilisiti

mayamaya kena kite, na pə fəi isu yulu nəyölu pəsəyi na í tasa kufate natələyi suw. ¹² Ləlaa wəe na wəlanaa na nyəğəlyu kuhuləmyu na liyitee pəe ke pa tənəyi pə təə. Ama ləlaa ilə taası na nyutu na kiisi ke pəle pa tənəyi. ¹³ Ama huule wule pu kuli paa wei i təmlə təə na pá ná tə cakəle. Kuyaku kuhunəw ηku ku wule tə kəkə ké. Kəkə ká mayasəna paa wei i təmlə si ka naa mpi tə kenaa tə. ¹⁴ Ye wei i tənə kite təə ké təmlə nte kəkə kaa nyəya tə, i ká hiki i kufəlyu. ¹⁵ Ama wei i nyəntə í mowa, ílé i kufəlyu lepa-i ké. Ama paa ya i mayamaya na pə mayana isu kəkə mpəe pəəη ke i lunaa.

¹⁶ İ nyi teu si í ké İso təcayale, na İso Feesuyu cakəna mə taa. ¹⁷ Ye pə cəpa wei na í wakəli İso təcayale, İso ká wakəli pəntu. Pə taya pulu, İso təcayale wə ké tənəηη na mə kiη ke i caki.

¹⁸ Mə taa nəyölu í taa puçusi i ti. Ye mə taa nəyölu huw si antulinya inə i taa pəntu nté ləmayasəe tu í pəsi kumeləη, iləna í wəena ləmayasəe ke tampana. ¹⁹ Pə taya pulu, İso ná nyənəyi antulinya inə i taa ləmayasəe ke kumələntu ké. Pa ηmaawa İso Təm taa ké mpəu si: Ləmayasəe nyəma ləmayasəe ke İso nyəkəna-wəyε katəsi na í kpaaw- wε. ²⁰ Pa tasa ηmaaw tətə si: Taca nyəma si ləmayasəe nyəma huwəe ta ke pulu. ²¹ Pə təə ké yulu kaa yələna yələ ləlaa. Pə taya pulu təə, mə tənna pə tənə. ²² Paa Pəəli, paa Apələəsi, paa Piyεε, paa antulinya, paa weesuyu, paa səm paa saηa nyəm, paa cele nyəm, mə tənna pə tənə. ²³ Ama Kilisiti tənna-mε, na İso tənna Kilisiti ílé.

4

Kilisiti tillaa

¹ Pə təə ɫe, í nyənəyi-təyɔ Kilisiti təmle lataa mpa pa niŋ taa pə tɔ ɫə tampana nna a ɲməlaa tə. ² Ye pa tɔ pɔlv lapɔ ke yɔlv niŋ taa, tampana ke ɪ ká təŋ na í lakəna-wɪ. ³ Ye ma kiŋ ɫe, paa me yaa yəlaa ka cayana sɪ pa pɛkəyi ma təm taa na pá na, pəle pə ta na má. Ma mayamaya maa pɛkəyi ma kiŋ sɪ má ná sɪ ma tewa yaa ma ta te tə. ⁴ Tampana təə ɫəntə, ma mayamaya ma kiŋ ma ta na taali nəyɔlv se. Paa na mpɔ tələ tu hólóyi sɪ ma tewa təkpataa se. Ama Tacaá ká pɛkəna na í ná sɪ ma tewa yaa ma ta te tə. ⁵ Pə təə ɫe, í taa hulina nəyɔlv təm tampana pɛkuyɔ na pə waatɔ ta tata. ɪ yele na halɪ Tacaá kəə. ɪnɪ ɪ ka kulina mpi pə ɲməla səkrɛtuyɔ tɛɛ tə pə təə təyelele. Na ɪ ká kuli yəlaa lotu taa hɔwɛɛ. Pələye ɫə ká sa paa wei ɪsu pə mɔna í samɪ-ɪ tə.

⁶ Ma taapalaa, ma kpaya má na Apələəsi tá təm na má kɛəsəna mpɔ sɪ í cəkəna ituule nte pa tukaa sɪ: Nti pa ɲmaawa tə, taa səəsi tə təə. Pə təə ké mə taa nəyɔlv í taa yəələna lelv na í footiɪ lelv. ⁷ Awe yelaa na ń hiki na ń kəli lelaa? Pə təna mpi n wena tə pə taya ɫə hana-ɲ? Ye pa ha-ɲ kəhav ɫe pepe təə ké n həŋ nyá tɪ ɪsu nyá lɔpɔ təə ké n hikaa?

⁸ Pɔwɛ, ɪ tema hikuyu ke pə təna mpi í nyuləyi tə, í tema piluyɔ. ɪ tema awulaa ke pəsuyɔ ké, na taa wɛ tá kɔnyəntɔtɔ taa. Ye pu ké ɪsu í ké awulaa təsiyisiyi kəlv pu lapa-m leleŋ. Pə taya pɔlv təə, saa ɪnɪ tá na-me tu kpɛnta kawulaya təyəv. ⁹ Pə caya ɪsu tillaa taya ɫə pəsəna waali. Pə taya pɔlv, tə wɛ ké ɪsu yəlaa mpa pa suwa sɪ paa kv patəma taa tə. Tə ké mpa pa təna pa nyənəyi təcɔo tə, paa ɫətəa tillaa paa yəlaa. ¹⁰ Ta pəsə kɔmɛleməŋ, na mu ké ləmayasɛɛ nyóma ke Kilisiti kɔlvɪm ɪnɪ ɪ təə. Tá ké acamaa, na meye

tontonaa. Pa tuxona-me, ama yem ké pa nyənəyi tá.
¹¹ Haləna saŋa wule tənə, nyəγəsi na ləkətu kuyəna-tu,
na tə feina pəcekəle. Pa makı-tuyv na tə cəəki yem,
tə feina tapasopile. ¹² Tá maγamaya tá kookalı ké tə
lakı na tē təkəna. Pa tükı-tu, na taa seeki-we. Pa tuxı-
tuyv konyəŋ, tá sumaya sı pá tu-tu. ¹³ Pá kuyı ta nyəŋ,
tu leətəyi-weye pa isayatu. Haləna saŋa paa nyənəyi-
tu sı tə ké pulvuyv antulinya ine ı taa. Pa nyənəyi-
tuyv isu hute yaa pəntu maγamaya.

¹⁴ Pə taya ma caa sı má tu-meγe feele təγə ma
ηmaawa na má keesi-meγe mpv. Ama ma luyv wee
ké sı má seyesi-me isu ma piya nsi ma luyv wee tə.
¹⁵ Paa í ká hiki seyesəlaa ke iyisi naanəwa (10000) ké
Kilisiti mpaaυ təm taa mə caa kele kvləm. Maγale mə
caa ke Kilisiti təŋuyv təm taa. Pə taya pulv, má kənna-
meγe Laapaalı Kupaŋ. ¹⁶ Pə təə ké ma heeliyi-me sı í
təŋ ma yaasi. ¹⁷ Na pə maγamaya pə nyuyv təə ké ma
kusa Timotee sı í polo mə te. Inı ı kəna ma pəyalv
wei ma səlaa tə. Taca a təm taa ı ké yulv wei paa
lana naani təγə. ı ká keesi-meγe yaasi wei ma təkəa
na má təŋna Kilisiti təm taa na má hólóγı paa leye
Yesu seela kpeka taa sı pá təŋ tə.

¹⁸ Mə taa lelaa huəwa sı ma kaa kəə, ılena pá svv
kalampaanı lapv. ¹⁹ Ye Taca a tisa a ma a kəə mə teye
nəəŋəə. Waatv inəyi maa ná sı kalampaanı nyéma
mpə, nəγə taa tike ke pa lakı, yaa pa waasəyi kulı.
²⁰ Pə taya pulv təə, Isə Kawulaya təm ta ke nəγə taa
təm tike. Ama sı ń pəsi na ń lakı ké. ²¹ ı ləsi mpi
ı caa tə ıle. ı caa sı má kənna kprátóγó, yaa ma kəə
təpamm na səlvuyv?

Yesu seelaa kpeka taa asilima

¹ Pa tɔ̀hna mə tɔ̀m ke yɔ̀ɔ̀tɔ̀yɔ̀ ke teu ké si mə kɔ̀lapɔ̀tɔ̀ wɛ asilima ke sɔ̀sɔ̀m. Paa ma ta nyi isɔ̀naa mayamaya kin pa kaa na asilima anɪ a taka. Pa yɔ̀ɔ̀taa si mə taa nɔ̀ɔ̀lɔ̀ ná kpaɣa ɪ caa alɔ̀. ² Paa na mpɔ̀ mu tɔ̀hna mə tɔ̀ɣi sam pə tu fei. Pɪ nɔ̀ɔ̀sɔ̀na ké isɔ̀ kɔ̀lapɔ̀tɔ̀ nti tɔ̀ wakɔ̀li mə laɲa ke sɔ̀sɔ̀m, na í ləsi mə hɛkɔ̀ ke wei inɪ ɪ lapa mpɔ̀ tɔ̀. ³⁻⁴ Paa ma na-me tɔ̀ wɛ tɔ̀ma na poolɔ̀ɲ tɔ̀, ma ləsaya wɛ mə kin ke tam ké. Ye ma, na Taca Yesu toma taa ma tema apalɔ̀ inɪ ɪ tɔ̀m kɔ̀yɔ̀ ké isɔ̀ ye maa wɛ mə kin maa lapa tɔ̀. Waatu wei í ká koti na ma ləsaya ká wɛɛ mə hɛkɔ̀ tɔ̀, Taca toma ká wɛɛ tá tɔ̀na tá hɛkɔ̀ taa tɔ̀na. ⁵ ɪ kpaɣa apalɔ̀ inɪ na í pɛti Satanɪ nin taa na pə naasi-ɪ na ɪ isɛ, ilɛna pə waasi-ɪ kɔ̀yaɲku Taca Yesu Kilisiti ká kɔ̀ tɔ̀.

⁶ Kɔ̀kɔ̀sum pəciimaya kraasəyɔ̀na somtu tɔ̀na tɔ̀fɔ̀. ⁷ ɪ ləsi mə hɛkɔ̀ taa ké mpi pə lapa-meyɛ asayaa tɔ̀, ilɛna í pəsi kɔ̀pama təkpaataa. Waatu inɪ í ká nɔ̀ɔ̀sɔ̀na somtu kɔ̀fatɔ̀ nti tɔ̀ taa kɔ̀kɔ̀sum fei tɔ̀. Mpɔ̀ pə mayamaya ke í tu wɛɛ. Pə taya pulɔ̀ tɔ̀, tɔ̀ nika tá Tɛɛ acima tɔ̀ɔ̀w ké. Mpi tɔ̀ pa tema tá Tɛɛ acima ɪ wəyaya kɔ̀yɔ̀ tɔ̀ se, ɲkɛyɛle Kilisiti. ⁸ Ye mpɔ̀ ɪlɛ tɔ̀ tɔ̀ɔ̀ ta acima. Ye tɔ̀ tɔ̀ki-yɛ, tɔ̀ taa tɔ̀ɔ̀-yɛ na potopoto wei ɪ taa kɔ̀kɔ̀sum kɔ̀pəm wɛɛ tɔ̀. Isayatu na asilima pə lite nté. Ama tɔ̀ tɔ̀ɔ̀ tá acima na potopoto wei ɪ taa kɔ̀kɔ̀sum fei tɔ̀. Inɪ ɪ kɛna potopoto kɔ̀paɲ na tampana nyəɲ.

⁹ Takəlaya ɲka maa ɲmaa-me tɔ̀ ka taa ma heela-me si mə na yəlaa mpa pa laki asilima tɔ̀ í taa kpenti. ¹⁰ Pə taya yəlaa tənaya yem ké ma yɔ̀ɔ̀tɔ̀yɔ̀. Mpi tɔ̀, antulinya taa cəne mə na asilima nyóma na nyullaa na ɲmulaa na tuɲ laalaa í sitina. Ye í tɔ̀ma si í cəlɔ̀yɪ-wɛ, pə wɛɛ si í ká lu antulinya inɛ ɪ taa kɛle. ¹¹ Nti

təyəle si ye yulv nyənəyi i təyi İso səelə pəyele i lakı asilima, na í ta yele nyuluyv na tuŋ laav na yələa tıvv na sulvm nyəvv na ŋmuləm, í taa kprətəna pıntv. Mə na yulv isı mpv í taa təyö təyöv mayamaya.

12-13 Ye pə kaasa mpa pa ta ke İso səelaa tə, pə taya maa lana pəle pa təm. Ama İso ká hıvnaana pəle. Mə na mpa í kaa kpekəle tə pə taya pa təm ke í ka la? Pa ŋmaawa İso Təm taa si: Yulv í lakı isayatu í ləsi-i mə hekıv.

6

Təma təmnaa tayanvıv

1 Ye mə taa nəyəlv na i taapalv pa wəna təm, pə mına pá yaa təmaya nənəyö ke ma ta nyi isənaa kın na İso yələa wəe? 2 İ tá nyi si İso yələa ká hıvnaana yələa tənaya təm ke cele? Ye mı hıvnaana yələa ke təm ke cele, ıle pepe təv kə í kaa pəsi na í hıv wenti tə wə pəciıv tə? 3 İ tá nyi si taa hıvnaana isətəa tillaa ke təm? Tə kaa kpisi isətəa tillaa ke təm hıvnaav, kacanfana antulınya taa cəne nyəntv na? 4 Təmnaa isı mpv pə taka mayana-me, ılena í məli na í kpaçatı na í pukina mpa pa ta ke Yesu səelaa kpekəle pulv tə? 5 Ma yəyətəyi ımpıyú si fəele í kpa-me. İsu í wəv mpv tə ləmayasəe tv nəyəlv i fəi mə taa kele si yələa i yoowa i tayanı-wə? 6 Pə nəyəsəna mə taa nəyəlv í wəna i təyöntəle na təm, pá yaa təmaya nənəvsi ke ma ta nyi isənaa kın na?

7 İsu í yaakıyü təmaya nənəvsi ke mpv tə pə hılvıyı kprakpa kə si i kpisaa təkpataa. Pepe təv kə yulv í lapə-meçe nti u haakı mə təyi suulu? Paa pu nəyəsəna í yaa-i nənəyö? Pepe təv kə u yeki si ye pa ŋmuləyi-me pa ŋmulı? 8 Pəyele mə tənna

ısayatv lapv na ɲmuləm ke mə taa mə tike. ⁹ Anı mə mayamaɲa í nyəma teu sı ısayalataa kaa na İso Kawulaya. İ taa puɲusi mə ti, asilima lataa, na tuɲ laalaa, na wasaɲkalənaa, na apalaa mpa pa suvkəna təma tə, ¹⁰ na ɲmulaa, na nyullaa, na sɔlvnyəəlaa, na tuvlaa, na ɲmulaa kpitikpitinaa, pa tənaya mpv pa taa nəɲəlv kaa keesi İso Kawulaya. ¹¹ Anı mə taa lelaa ka we ɲpəyú. Ama pa ləsa-meɲe ısayatv taa na í pəsi kɔpama. Na pə fayasa-me na mə mpa sı í pəsi İso nyəma. Taca Yesu Kilisiti tɔɲ taa, tá İso Feesuyv yelaa na í pəsi kɔpama ke İso ısentaa.

Mpi í lakəna mə tənəɲ tə í yele na pə hólí İso teeli

¹² Mə taa lelaa tən sı ye pa nəka mpi pa la. Tampana mpaav wee yaa, ıle pə taya pə tənə pə taa ké í ká waa. Ma pəsəɲi má yəɲəti sı ma wena mpa sı má la pə tənə yaa. Ama ma kaa yele ké sı pulɔpv í pəsi-m pə yom. ¹³ Me í tən sı hiluyv təə ké pə ləsa kətəɲəv na kətəɲəv təə ké pə tv hiluyv. Mm, pə we mpv mee. Paa na mpv İso ká wakəli pə təm naale ıni. Pə ta la yolv tənuyv ke asilima lapv təə, ama Taca təə ké. Na tənuyv ɲkv kv təə ké Taca wee. ¹⁴ Na ısu İso feesuyv Taca tə, ı ká te na í feesi taya mpv tətə na ı toma taa.

¹⁵ Anı í nyəmə sı mə tənəɲ ké Kilisiti tənuyv həɲələɲ ké. Ma wev ısentə tə pə nəɲəsəna má kpaɲa Kilisiti tənuyv təə pulv na má kpətəna apalaa tənə əlv na? Pəle pə kaa la paa pəcə. ¹⁶ Yaa í tá nyi sı yolv í svvna apalaa tənə əlv, í na-ı pa kpenta tənuyv kvləmvuyv? Pa ɲmaawa İso Təm taa sı: Pa naale pa pəsa tənuyv kvləmvuyv ké. ¹⁷ Ama wei na Taca pa kpenta tə pa pəsa kvləmv ke pa ləmayasəe taa ké.

¹⁸ I taa kpətəna asilima. Isayətuna a mpə pə kaasaa na yulv laki tə tu tokiyina i tənuyv. Ama yulv wei i ha i təyi asilima lapv taa tə i mayamaya i tənuyv ke i laki isayətv. ¹⁹ I ta nyi si mə tənəη we isu Feesuyv Naηηtv təcayalə yee? Feesuyv Naηηtv wei Iso ha-me na i we mə taa təγə ma təη. I tā ti mə ti se. ²⁰ Iso yapa-meyə haləna i felv. Mpv tə, i lana mə tənəη ke mpi pə hóləyi Iso teeli tə.

7

Akpayəle təə kypəəsvtv

¹ Pənentə tə paasəna təm nti i ka pəəsa-m mə takəlayə taa tə ilə. Pə kəla teu si yulv i taa kpayə alv yaa. ² Ama asilima wena a təə səsəm ke katatəlayə tə a təə, pə nəγəsəna si paa apəlv wei i wəena i alv, na paa alv wei i wəena i paəlv ké mpv tətə. ³ Apəlv i la i alv ke isəna pə nəγəsəna apəlv ká la i alv tə, na alv náa la i paəlv ké isəna pə nəγəsəna alv ká la i paəlv tə. ⁴ Pə fei isu alv ká lana i təyi isəna i səəlaa tə. I paəlv tənna-i, i niη na i nəəhəe. Na mpv tətəγə na apəlv, pə fei si i ká lana i təyi isəna i səəlaa tə, i alv tənna-i, i niη na i nəəhəe. ⁵ I taa pə təma, ye pə taya isu mə tənə i lapa nəγə kulvmayə na i tisi təma si: Tə yele rúpúyú wəe naale na tə paasəna Iso sələmuyv. Ama pələ pə waəli, i məli na i kpənti naη. Ye i ta kpənti naη ke ləη ke mpv i ká kəə na i kpisi tənəη na i hoti Satani mayasəη taa.

⁶ Nti ma yəγəta isəntə tə pə taya kvcaəlvuyv təm, ama ayeeəe ké. ⁷ Tampana təə, ma nyulaa isu paa yulv wei i wəe isu ma wəv isəntə tə. Ama paa wei na i Iso hate ké. Pə haa ineyə pəneyə, na pə ha ineyə pəne.

⁸ Təm nti tə wəe si má heeli ataməe na alaa leelaa təγələ si, ye pa təkə pa itantv isu ma təkuyv ma nyəntv

tə pu kəli-wəyε sεεv. ⁹ Ama ye í kaa pəsı tənəη təkuyv, ıle apalaa náá kpayá alaa, na leelaa náá saa apalaa. Pə kəla teu sı apalv í kpayá alv, na alv náá saa, na mpi yulv ká caya na kətəi kuyı-tə.

¹⁰ Nti ma heeliyi mpa pa tēma tēmayá kpayav təyələ sı: Alv í tēma saav pə fεi sı í kisi ı paalv. Tacaá tu yəyətəna-tı. ¹¹ Na í kisa-ı kələ, í caya mpv, í taa saa kufalv. Ye ı ká məli kuyəη í məli-ı. Apalv ná fεına mpaav sı í təyənı ı alv.

¹² Mpa pə kaasaa tə, ma heeliyi pələ sı, ye apalv í kē İso sεεlv na ı alv kē ma ta nyı İso, pəyele alv ınyı ı luyv wεε sı í na-ı pá caya, apalv í taa tə sı ı kisiyi-ı. ¹³ Mpv tətəyə alv í kē İso sεεlv na ı paalv náá kē ma ta nyı İso, pəyele apalv ınyı ı luyv wεε sı í na-ı pá caya, alv í taa tə sı ı kisiyi-ı. Ma mayamaya ma yəyətəna tələ, tə ta luna Tacaá kiη. ¹⁴ İso tá kisi apalv wei ı ta kε İso sεεlv təyə í na ı alv İso sεεlv pa cayale tə, pəcə ı ta kisi alv wei ı ta kε İso sεεlv təyə í na ı paalv İso sεεlv pa cayale tə. Ye pə taya mpv pə tə pa piya ká wεε İsu ma ta nyı İsaəna, pəyele sı kē İso nyənsı kē. ¹⁵ Ama ye wei ı ta kε İso sεεlv tə ílé ı caana fayav, waatv ınyı pa taa wei ı kē İso sεεlv tə ı wəna mpaav sı í yele na pá faya. Pə taya pulv tə, İso yaa-mεyε sı í caya tēma kiη na leleη. ¹⁶ Alv İso sεεlv nyá n nana-we sı nyaa tēna na nı ya nyá paalv nyuyv? Na apalv İso sεεlv nyá n nana-we sı nyaa tēna na nı ya nyá alv nyuyv?

İso í yaa-η na nı we İsaəna caya mpv

¹⁷ Ama nti təyələ sı Tacaá í ha-η mpi náá təη pələ. Na ye İso yaa-η ı mpaav taa na nı we İsaəna náá caya mpv. Seyesuyv ηku ma seyesəyi Yesu sεelaa kpeka tēna sı á təη təyələ. ¹⁸ Ye İso yaa wei kē ı mpaav taa na í tēma pələyv, pəntv í caya mpv, í taa hıv sı ı mələyi

isu i taa pəli. Na Iso í yaa wei ké i mpaav taa na í tá pəli, pəntv í taa pəeki si i pələyi. ¹⁹ Paa n pəlaa, paa n ta pəli, təle tə we yem ké. Ama Iso kəheelitu təkəyv nté səsəəntv. ²⁰ Paa wei í wəe isəna i ka wəe na pəcə Iso yaaki-i i mpaav taa tə. ²¹ Ye n ka ké yom ké na Iso yaa-η i mpaav taa, taa nəxəsi si n pəsəyi kasayampu. Ama ye pə kəma si n lu nyá yomle taa, ilə taa kisi. ²² Pə təya pəlv təə, ye Tacaə yaa yom ke i mpaav taa, pəntv pəsa Tacaə kasayampu ké. Məpəyú pə wəe tətə, ye Kilisiti í yaa kasayampu, pəntv pəsa i yom ké. ²³ Iso yapa-məye haləna í fəli, ilə í taa pəsi mə təyi yəlaa yomaa. ²⁴ Ma taapalaa, paa wei í cəya Iso səev taa isu isəna i ka wəe na pəcə Iso yaa-i i mpaav taa tə.

Ataməe na leelaa pa təm

²⁵ Ye apalaa mpa pa ta kpaçata alaa, na alaa mpa pa ta saata tə. Tacaə ta heeli-m pa təm si pəlv. Ama Tacaə pəeleə təə ma nəxəsəna yəlv wei í yəçəta nti pə mν-ti təçə. Pə təə ké ma heeliyi-məye nti ma mayamaya ma həkki tə.

²⁶ Kaçana wahalanaa pəne pa təə ilə, ma həkki si pə kəla teu si yəlv í cəya mpv. ²⁷ Ye n wəna əlv, taa lv si n kisiyi-i, na n tu fəina taa pəeki si n kpaçə. ²⁸ Paa na mpv, ye n tu kpaçə əlv, na ye pəelə saana, i ta la isayətv tətə. Ama apalaa mpa pa kpaçəyi alaa na alaa mpa pa saaki tə, paa ifemle nte pa naaki wahala ké. Wahala inəyi ma caə ma kəeli mə nyəəη təə.

²⁹ Ma taapalaa, nti ma yəçətəyi təçələ si wəle puwəya. Pə təə tə, pə kpaçəv saηə waalı tə, mpa pa wəna alaa tə pə la isu pa fəina, ³⁰ na mpa pəle pa wiliyi tə pə la isu pa fəina laηwakəlle. Mpa pa yaki tə pə la-wə isu pə təya mpe pa tənna pa kəyapəm mpi.

³¹ Mpa pa təkəna antulinya inε tə pə la isu mpa paa təkəna-ı tə. Pə taɣa pəlv təə, wεεtv nti tə taa antulinya inε ı wεε tə ı kaa tasa taanɣv se.

³² Mpi ma nyuləɣı təɣəle sı ı lu nəɣəseε təm taa təkpataa. Apalv wei ı ta kpaɣa alv tə Tacaa təmle ke ı səkəna nyuɣv, na ı ləkı sı Tacaa luɣu ı lapı-ı. ³³ Ama wei ı kpaɣa alv tə atε cəne nyəm ke ı səkəna nyuɣv, na ı ləkı sı ı alv luɣu ı lapı-ı. ³⁴ Mpv ını pə tv-ı hekv ké. Mpv tətəɣə na alv yaa pεelə wei ı ta saa tə. Tacaa təmle ke pa səpəna nyuɣv. Pə taɣa pəlv, pa caa ké sı Tacaa ı tı pa tənəɣ na pa ləsası. Ama alv wei ı laalaa na ı saa tə atε cəne nyəm ke ı səkəna nyuɣv, na ı pεekəɣı sı ı paalv luɣu ı lapı-ı.

³⁵ Ma yəɣətəɣı m̄p̄ɣú sı pə səna-mε, pə taɣa isu katəka ke ma tvɣı-mε. Ama ma caa ké sı má tusi-mεɣε mpi pə wε teu tə pə taa na ı kpentəna Tacaa ke teu na ı tə isu pə mənaa tə.

³⁶ Təv, pənente tə paasəna yəlv wei ı luɣu feı sı ı pεelə ı saa tə pə təm ıle. Ye ı kəma na ı ná sı pə feı teu sı ı yele ı pεelə na ı tεε pə taa, ı la isu ı luɣu wεε tə. ı yele-ı na ı saa, ı ta la ısayatv. ³⁷ Ama ye ını ı nəkəna na ı tɛma ı taa təkpataa sı ı pεelə ı caɣa mpv, na pə tá ké nəɣəlv kisinana-ı kəkısu, ını ı təkəna tənɣv na ı kısına ı luɣu ke mpv, ı pεelə ını ı ta saa pə wε teu. ³⁸ Mpv tə, wei ı yelaa na ı pεelə saa ı ta la taalı. Ama wei ı ta yele na ı saa pəle pə kəla teu.

³⁹ Alv paalv ı wɛna ı weesuyv, ı alv ını ı feına mpaav sı ı kulı-ı. Ama ye ı paalv səpa, pə ha-ı mpaav ké, ı luɣu ı wε wei, ı saa. ıle kulvmtv ké, pu wεε ı sə sεlv ké. ⁴⁰ Paa na mpv ma hvv sı ye ı caɣaa isu ı wεε tə ı ká kəli lelenɣ nıv. Ma nyəmá sı ma hvwεε anε a luna Feesuyv Nanɣtv kın.

8

Nantv kolalaatv təm

¹ Pənentə tə paasəna nantv kolalaatv təm ilə.

Tə nyəmə si tá təna tə wəna pə nyəm mēē. Na tə nyəmə tə nyəmə inı ı yekina na yulv həŋ ı ti. Ama səəlvu ná lakı na tē nyəə ton. ² Ye nəvəlv huv si ı nyəmə pulvpu, ı ta cəkənta-wı isu pə wē təkpataa si ı cəkəna-wı tə. ³ Wei ilə ı səəlvəŋı İso, İso ná nyəmə pəntv təə kē.

⁴ Nti í ka pəəsaa təvəle si, ye pa laawa, yulv ká təvə yaa ı kaa təvə? Tə nyəmə teu si tun ná naa isentəə kē yem kē. Ama İso tike koŋ wənnə. ⁵ İsətəə nyəm paɣale na atə nyəm paɣale kē yəlaa yaa pa isənaa. Paa yaa mpv si isənaa na mpa pa nyənəvı si pa ti-wē tə pa wē paɣale. ⁶ Ama tá kiŋ ilə, İso wē kulvm təkəŋ kē. İnəvəle Tacaə wei ı lapa pə təna tə, na ı təə kē tə wəna weesin. Na Tacaə kēle kulvm, inəvəle Yesu Kilisiti wei ı yelaa na pə təna pə wēē, na wei ı təə tə wəna weesin tə.

⁷ Ama yəlaa təna ta nyı mpv. Lələə wēē na pə tēēna-wēyē tun təm taa, na ye haləna saŋa pa təŋna nantv kolalaatv təvəv, pə wē isu tun kē pa təŋəvı. Pa nyəm wē tətəntələə, iləna pá mələvı nav si kutəvəv ŋkv kv wakələvı-wēyē. ⁸ Pə taya kutəvəv yekina na tē krətəna İso kiŋ. Paa tə ta təvə pə taya pə pasəvı-tvəv pulv, paa tə təvəə pə taya pə səəsəvı-tvəv pulv.

⁹ Paa na mpv mē mpa mpaəv wēē faa si í lakı mpi í lá tə, í la laakalı, pə taa kəə na í hu İso sēēv taa acamaa. ¹⁰ Ye nəvəlvu yem nawa nyá wei si n nyəmə tə na nı caya tvəv tēē na nı təŋna təvəv, icam inı ı laakalı kaa polo isu í təvə nantv kolalaatv nti? ¹¹ Waatv inı nyá nyəm mpi pə lapa na nyá təvəntələ icam wei ı təə

Kilisiti səpa tə í la yem kələ. ¹² Ye í pəntəyəna mə təyəntələnaa na í kpesəyi pa laakalənaa mpa pa wə tətəntələa ké mpv tə, Kilisiti ke í pəntəyəna. ¹³ Pə təə ké ye ma təkí mpi na pu hu ma təyəntələ, ma kaa təyo. Paa pəcə mayamaya ma kaa tu təyo nantv. Pə taa kəə na má hu ma təyəntələ.

9

Tillu təma təm

¹ Ma fəina mpaav sı ye ma lakı mpi ma la? Ma ta ke tillu? Ma ta na Taca Yesu? Pə taya mə kəna ma lapa Taca təmlə na pə lu mpi tə? ² Ye ləlaa u nyənəyım tillu pə kpenna-mə? Mpi tə, isu mə na Taca í krentyuv tə pə húləyí təkəlekele ké sı ma ké tillu.

³ Mpyú ma cəki mpa pa kotiyina-m paa timpı na pá təy sı ma ta ke pulv tə. ⁴ Ye pa fələyi-m kotəyuv na konyənyəəm ke ma təmlə təə ma yowa? ⁵ Ye ma tənsa əlv İso səəlv nəyəlvuv ma waalı na tə cəki isu tillaa ləlaa na Taca newaa na Piyəe pa lakuv tə ma yowa? ⁶ Yaa ma na Paanapası tá tike ke pə wəe sı tə lana tá nin na tə təyəna tá nəyə? ⁷ Yóólú wei ı puki yoo na í təkı ı tı? Na awe səki ləseŋ təy na í kaa təyo kv pəe? Na awe tiikiyi kaləkv na í kaa nyaası naaləm?

⁸ Nti ma təy tə, yəlaa yəyətəyəna-təyi kyəyətə, kəsəsutv taa pə fəı mpv? ⁹ Moisi kəsəsutv taa pa ŋmaawa sı: N kaa həkə nav wei n makəna nyá məla tə ı nəyə. Naəy təə tike ke İso səyəməyəna? ¹⁰ Pə taya tá mayamaya tá nyuv təə ké ı yəyətə mpv? Tá mayamaya tá nyuv təə təkpe m ké pa ŋmaawa sı: Wei í haləyi í haləna tēlvuv, na wei í kvŋ í kvna tēlvuv, sı ı ká hiki ı paa nyəm. ¹¹ Ye tə tuwa İso nyəm ke mə

hekü na kayana té hiki mpi pu waası tá tənəñ təyǝ mə kin tə yuwa? ¹² Lelaa ta kisi mpaav ke hikuyu si pá hikiyi-wi, kacanƣana tá na?

Paa na mpv tá tá nyəna təna. Ama tə təyǝ pə təna pə konyəñ si tə taa kəə tə wakəli Kilisiti təə Laapaali kupañ təmlə. ¹³ Anı í nyəma teu si mpa pa lakı təma ke İso təsele taa tə İso təsele caləsəyəna-wə. Na mpa pa lakı kətasi ke kətaya təlate təə tə pa hikiyi pa paa nyəm ke kətasi nsi si taa ké. ¹⁴ Mpyúy pə wəe. Mpa pa kpaaləyi Laapaali Kupañ tə Tacaa ha-wəyē nəyǝ si pá təyǝna kətasi nsəyi.

¹⁵ Ama má, ma ta la tənə inı tə taa natəli, na ma ŋmaav isəntə tə, pə taya si ma pəəsəyi si má hiki se. Sana səm na mpv inı pə lapu. Nəyǝlv kaa wakəli mpi ma yəəlyəna mpv tə. ¹⁶ Pə taya ma ti sam təə ké ma kpaaləyi Laapaali Kupañ se. Ama caalyu na caalyu ké. Na ye pə cəpa-m na má tá kpaali Laapaali Kupañ, mayalə. ¹⁷ Ye ma mayamaya maa təna ma ti si má la təmlə tənə, má nəkaa ma haakı nəyǝ ké na má tanja kufelvyu. İsu pa tu-m-təyē kutvyu tə, pə wəe si má la-təyē na má lu təsoo. ¹⁸ Ma kufelvyu nté ŋku ilə? Nkvyule si má hvləsi lanle na Laapaali Kupañ kpaalvyu. Má kpaaləyi faalaa, má taa haa nəyǝ na má tanjaa İsu Laapaali Kupañ kpaallv lakı tə.

¹⁹ Ma ti ma təyi, ma ta ke yom. Paa na mpv ma lapa ma təyi yəlaa təna yom si má hiki yəlaa payalə ke səsəm ke isəna pə wəe tə. ²⁰ Yuta nyəma taa, ma lakı ké İsu Yuta tu, iləna má hiki-wə. Paa na maa təñəyi Moisi kəsəsutu tə, ye ma wə mpa pa təñəyi Moisi kəsəsutu tə pa hekü, ma lakı ké İsu ma təñəyi-tı iləna má hiki-wə. ²¹ Na mpv tətəyǝ ye ma wə mpa pa ta nyı Moisi kəsəsutu təm tə pa hekü, ma wə ké

isu pa wew tə, maa paasəyəna kəsəsutv, ɫena má hiki-we. Pə taya isu ma təŋ si ma lə lə kəsəsutv se, Kilisiti kəsəsutv təna ma təŋəyi ké. ²² Mpa pa we ɫantv ke lə seew taa tə, ma lapa pa həkv ké isu ɫam na pəcə má hiki acamaa mpe. Mpyúyú ma laki paa mpa pa həkv, ɫena paa pə kəli we má ya pa taa ləlaa. ²³ Ma laki pə tənaya mpyúyú Laapaalı Kupaŋ təw ké, ɫena ma mayamaɣa maa waa pə taa.

²⁴ Ntəŋ í nyəmə sɪ pa təkvyv asewa tete tə payale seena, ama kulvm təkəŋ təkəna. Me tətə í kaasi mə təyi mpv na sewa, na í laalı na í təyə nəyə. ²⁵ Lutaa na selaa pa təna pa lakvyv mpv tə, pa wena pa kəkkiimnaa ké na isəle kuseemle. Pa laki mpyúyú si pá hiki sam ntenuyu ŋku ku taəŋəyi tə. Ama tá ɫe, tá laki ké sɪ tə hiki sam ntenuyu ŋku kv we tam təw tə. ²⁶ Pə təw ké má təŋna sewa na má yaɣa isəle ke timpi ɫni tə. Ma we ké isu ŋkuma matv wei u hayaləyi yem tə. ²⁷ Ama ma wəsəyi ma tənvyv ké na má təkəyi ma təyi teu sɪ pə taa kəw na ma wei ma lapa ləlaa ke waasv tə má kpisi na pá lə-m.

10

Tuŋ təm laakalı lapənav

¹ Ma taapalaa ma luyv wee sɪ í təw sɪ mpi pə mayana tá caanaa caanaa mpa na Moisi pa təma tə pa təm. Pa təna təpai isəŋmuntvyv kentina pa təw, na pa təna təpai pa təsəna səsəncaasɪ tənku. ² Na isəŋmuntvyv ŋkv kv tēe ké tənku taa ké pə sə pa təna təpai ké lə lvm ke pa mvyv Moisi na pá təŋəyi-tə pə təw. ³ Pa təna təpai pa təyənə piti təyənəyá kulvmaya ŋke. ⁴ Na pa təna təpai pa nyəna piti kynyənyəəm kulvməm mpi pə luna puw taa tə. Na puw ŋkv kv húləyi ké sɪ pá

na Kilisiti pa tənna. ⁵ Paa na mpv tə İso lanle ta heena pa taa payale, mpv pə yelina na pá si wulaya tetu taa.

⁶ Pəne inı pə lapaya si pə hólí-tuyv ləh na pə taa kəə na té nyuli isayakonyuləh İsu mpe inı paa nyuluyv tə. ⁷ Na pə taa kəə na í keesi na í svv tıh laav taa İsu pa taa ləlaa ka lapv tə. İso təm taa pa ηmaawa mpv si: Yəlaa caɣaa na pá təɣə na pá nyəə, ilena pá nyəki na pá kuli si pa paaki.

⁸ Na té taa la wasəhkalətv İsu pa taa ləlaa ka paasənav-tı na kuyaku kulvmuyv tike yulonyəəh iyisi hiu na tooso (23000) lu na pá si tə.

⁹ Tə taa mayasi Tacaa si tə naa ı waalı. Mıpúyú pa taa ləlaa ka lapa na pá səna tuma. ¹⁰ Tə taa miiti, mpi tə, pa taa ləlaa ka miitaya mıpúyú na wakəllv kv-we tə.

¹¹ Pə tənə mpi pə mayana-we tə pə hóléyí ləlaa ke ləh ké. Pa ηmaa-təyí si pa kpaaləyí-tv yoo. Pə taya pulv, waatv wei ı taa tə we isəntə tə tənaya waatv ké.

¹² Pə təə ilə ye wei ı hvv si ı səhəa pıntv í la laakaalı, í taa kəə na í hoti. ¹³ Mayasuyv nakuli kv ta mayana-me na pə kəli İsu mayasuyv makuyvna yulv tə. İso təma si ı lakı mpi tə u yeki-wı. Pə təə ké ı kaa yele na mayasuyv mayana-me na pə kəli-me. Ama mayasəh inı í kəma ı ká hólí-meyə isəna í ká la na í tuli na í pəsi-tə.

¹⁴ Pə təə ilə ma taapalaa kúpama me, í la laakalı na tıh təm. ¹⁵ Ma yəɣətəyənə-me İsu yəlaa layatvnaa, ilə nti ma yəɣətəyí tə í hvv mə mayamaya na í ná.

¹⁶ İ nyənnə tə təkuyv kəpv na í suna İso kúpantv na tə sɛɛ-ı í na təmle ke pə təə tə na í ná. Tə nyəəkuyv tə, pu kpentəyí-tuyv mıpúyú Kilisiti caləm təə? Na potopoto wei tə fakı tə, tə təkuyv tə, pu kpentəyí-tuyv mıpúyú Kilisiti tənuyv təə? ¹⁷ İsu potopoto wev kulvm na taa we kúpıh na té taləyí-ı tə tə kpenta kulvm ké. Mpi tə potopoto kulvm ke tə təkı tə se.

18 İ nyənna İseyeli yəlaa na í na. Mpa pa təkı mpi pa lapa kətaya tə pá na İso wei ı tike ı tə kətaya təlate tə pa krentaa ké. 19 İle isənaya pə wee ile? Tıyü külaalam kəna pölv? Yaa tıyü mayamaya kəna pölv? Pölv fei paa pəco. 20 Ama pa laakuyü tə aləyaa təo ké pa laaki, pə taya İso. Na ma kisaa sı mə na aləyaa í taa wee təma təm taa ile. 21 İ kaa pəsi na í nyöo Tacaa kərv na í tasa aləyaa nyəη ke nyööv. Na í kaa pəsi na í caya Tacaa nyənaya tēe na í tasa aləyaa nyəηka tēe ké cayan tətö. 22 Yaa tə caa tə svı Tacaa ke isəseemle taa? Tá kələna-ı toma yaa isəna?

İso teeli tıyü ke paa mpi pə taa

23 Mə taa ləlaa təη sı mpaav wee sı tə nəka mpi tə lá. Tampana, mpaav wee yaa. Ama pə təna pə feina kawaya ké. Mpaav wee sı tə nəka mpi tə la. Ama pə taya pə təna pə lapv səsəyəna pölvpöyü İso seev taa. 24 Nəyölv í taa pəekı ı mayamaya ı nyuyü nyəntü tike. Ama paa wei í pəekəyi ı təyəntələnaa nyəntü tətö.

25 Nantü təna nti pa pəetəyi kuyaku taa tə í təyö, í taa kpeye mpi mə taa í wəna sika tə. 26 Pə taya pölv, pa ηmaawa İso Təm taa sı: Tacaa tənna tetü na pə təna mpi pə wē tə taa tə.

27 Ye ma ta nyı İso yaa-η təyöv na nyá luyü wee sı n puki, n polaa, təyö pə təna mpi ı ká saa-η tə, taa kpeye mpi nyá laakalı taa n wəna sika tə. 28 Ama ye nəyölv heela-η sı tənē unı pa laawaya, ile taa təyö, ke wei ı cəpa-η nıpöyü səkpəlvü tə ilé ı təo, na nyá laakalı ta caya ı təcayale tə pə təo. 29 Pə taya nyá laakalı ke ma yəyətəyi cənē. Ama wei unı ı heela-η tə ı nyəη təo ké.

Ule pepe nyuyv təə kə lelv laakalı təm ká pəli ma niŋ ke mpu? ³⁰ Ye ma seeki Iso kə í na təmle na pəcə má təkí, pepe təə kə paa tuv-m timpi ma təkəna seetu tə?

³¹ Pə wee si paa í təkí, paa í nyəəki, paa í lakí mpi, í la na Iso hiki teeli ke pə təna pə taa. ³² İ taa hu nəğəlv, paa Yuta nyəma, paa mpa pa ta ke Yuta nyəma tə, paa Yesu seela. ³³ İ la isu ma lakuyv tə. Ma ləkí kə si pə təna mpi ma lakí tə pə la yəlaa tənaya leleŋ. Pə taya ma maɣamaɣa ma nyuyv nyəntv ke ma pəekəyi. Ama yəlaa təna nyəntv kə si pə ya pa nyəəŋ.

11

¹ İ keesəyənə-m isu má keesəna Kilisiti tə.

Alv ka te saalaya ke Iso təsele

² İ təsa ma təm ke pə təna pə taa na í təkə kvləpətvnaa ke teitei isu ma keesuyv-me tə ma sama-me. ³ Ama ma caa kə si í nyi si Kilisiti kele paa apəlv wei i səsə, na apəlv nté əlv səsə, na Iso kele Kilisiti íle i səsə. ⁴ Ye apəlv í sələməyi yaa i kpaaləyi Iso kvheelitu ke Iso təsele na í tá kuli i nyuyv təə, Kilisiti ke i kpeena. ⁵ Na ye əlv í sələməyi yaa i kpaaləyi Iso kvheelitu na í tá te saalaya, i pəəlv kə i kpeena, na pə pəsa isu pa loola-i kə. ⁶ Na ye əlv kaa te saalaya ɫe pá kó i nyəəsi. Ama ye pə we-i feele si pá kə-i yaa pá looli-i, ɫe í te saalaya. ⁷ Apəlv kaa pa i nyuyv təə kə pəlv, mpi tə, i kə Iso leesuyv na i kiŋ ke Iso teu naaki. Ama əlv kiŋ ke apəlv teu ná naaki. ⁸ Pə taya əlv ke pa cosaa na pá ŋmana apəlv. Ama apəlv ke pa cosaa na pá ŋmana əlv. ⁹ Na pə taya əlv təə kə pa ŋma apəlv. Ama apəlv təə kə pa ŋma əlv. ¹⁰ Pə təə kə isətaa tillaa təə, əlv ká weena i nyuyv təə kə mpi pə hóləyi si i ta ti i ti, ama apəlv tənna-i tə. ¹¹ Paa na mpu tə, Tacaa

təm taa əlv fəi ı tı təə tike, na əpalv kə ilé ı tı təə tike, pa tənə pa tı pa təməya. ¹² Pə taya pulv təə, əpalv kə pa cosaa na pá ηmana əlv, na mpv tətəyə əlv na lula əpalv, na pə tənaya mpv İso kinj kə pə lunaa.

¹³ Mə mayamaya í mayası-təyi mə taa na í ná, sı waatv wei əlv puki İso ssev na í sələməyi tə, ı caya nyuyv kpete na? ¹⁴ Antulinya taa cənə mayamaya se, ye əpalv yeləyənə nyəsı kutayalası, fəele səsəəle ké. ¹⁵ Ama ye əlv nyəsı tayaləna mpv, isante səsəəle nté. Tampana yaa pə ha paa əlv wei ké nyəsı kutayalası ké sı sı takəyi-ı isu tekente. ¹⁶ Ama ye nəyəlv tasəyi tənə inəyi kpeesənav pəntv í nyı sı, paa ta, paa İso sselaa kpeka, tə fəina lakası nasəli tətəyə tá İso ssev wule na pə tá kəna sənə.

Ta Caa səm təəsvyv

(Matiyee 26:26-29; Maləki 14:22-25; Luku 22:15-20)

¹⁷ Təv, nti ma nawa na ma caa ma yəyətı-tı tə, pə ta mənə má sa-meyə paa pəcə se. Pə taya pulv, mə kotuη wei í kotiyı tə, ye pə taya isayətv, ı səsəyi-meyə kəpəntv natəli. ¹⁸ Kancəalaya nyəntv ıle, pa heela-m ké sı í kotiyı tə, mə kotuyv faya kpeka kpeka ké, na ı caa təma. ıle ma tisa-təyi isu ma ta tisi. ¹⁹ Ye fayəsuyv í we mə hekv taa kəlv, kú weə na pəcə pá nyı mə taa mpa pa ké kəpəma na tampana tə. ²⁰ ı kotuyv tə, pə taya Tacaə təyənaya kə í təkı. ²¹ Pə we mprúyú kəpəam məe, í cakuyv nyanaya tē təkpev tə paa wei ı huliyına ı mayamaya ı təyənaya ké. Nyəyəsı ná tənə ləlaa kə kvv na sulvm náá kvı ləlaa. ²² ı ká təkı na í nyəkı mə tēsı nsi sı taa təyə í fəina yaa we? Yaa İso sselaa kpekəle kə í nyənəyi yem? Na mpa pəle pa

feina pulu təyələ í caa feələ tıyvu na? Yaa í caa má heeli-me suwe? Pə nəyəsəna ma sa-me? Paa pəcə ma kaa sa-me se.

²³ Pə tağa pulu təə, təmnaa mpa Tacaa tasa-m na má caa ma heeli-me təyələ si, ahoə nna a taa pa yelaa na pá kpa Tacaa Yesu inı təyə ı kpağa potopoto. ²⁴ İ see İso ké í na təmle na í te ilena í fağa-ı na í tə si: İne ı kəna ma tənıyvu ηku pə ha mə təə tə, mırıyú í ká lakı na í təsəyi ma təə. ²⁵ Pa təma təyəv ke mpu ilena í kpağa kərv na í tə si: Kərv inə ı kəna İso nəyə pəelıyvu kufam yoə, na ma caləm hıləna pə tampana. Paa waatv wei ké í nyəkı ı nyəkı mpu na í təsəyəna ma təə yoə. ²⁶ Kıpam ye í weə na í təkı potopoto inə na í nyəkı kərv inəye mpu, í heeliyi Tacaa səm təm, haləna ilé ı kəə í məli.

²⁷ Pə təə ké ye nəyəlv weə na í təkı Tacaa potopoto na í nyəkı ı kərv pəyele ı ta nəyəsəna si í təyə na í nyəə pıntv í nyı si Tacaa tənıyvu na ı caləm pə təm we ı nyıyvu taa ké. ²⁸ Pə weə si paa wei í pəəsı ı təyi ı mayamaya na í ná na pəcó í təyə potopoto inə na ı nyəə kərv inə. ²⁹ Pə tağa pulu təə, ye wei ı təkı potopoto na í nyəkı kərv ke yem təə na í tá cəkəna si pə ké Tacaa tənıyvu, ı kəηna ı mayamaya ı nyıyvu taa ké təm ke ı təyəv na ı nyəəv mpu pə taa ké. ³⁰ İsəntə inı ı mayamaya ı lapv təə ké mə taa payale ké kütəntvnaa na acamaa na yəlaa kupaη səpa. ³¹ Ye ta mayamaya tə pəəsəyəna tá təyi təmnaa na pəcó ilə, tə kpreə tá təyi təm nti İso ká hıvna-tv tə tə taa ké. ³² Ama Tacaa ilə ı hıvkəna-tıyvu na í həη tá ηkpaηη ke si pə taa kəə na pə kaa tá na antulinya ke kpatəte kuləmtəle.

³³ Pə təə ilə ma taapalaa waatv wei í kotiysi si í təkı Tacaa təyənaya tə í taη təma. ³⁴ Ye nyəyəsı í pu wei pıntv í təyə ı təyaya, na pə taa kəə na mə kotuη təə

İsə kəə í nana-meγe natələyi lapu. Nti nti pə kaasaa tə má kəma na má kəə ilə ma tēesi təleye tayanuyu.

12

Mpi mpi pə lapu saaki yəlaa tə

¹ Pənentə tə paasəna mpi mpi İsə Feesuyu Naηηtu yeki na pə saa yəlaa tə pə təm ilə.

Ma taapalaa ma caa ké sɪ mpi mpi pə saakuyu yəlaa tə í nyi tampana nna a təə pə saa mpv tə. ² İ nyəmə teu sɪ í ka keu ma ta nyi isənaa tə tuη wei u yəγətəyi natəli tə ɪ təm taa ké pə hana mə ise na cəγuluyu fei.

³ Pə təə mayamaγa ke ma caa sɪ í nyi na í te mə taa sɪ yulə nəγəlv ɪ fei wei İsə Feesuyu tiikiyi na pəntv luna pə waalı na í tə sɪ Yesu ké mpusi tə. Na ye Feesuyu Naηηtu u tiikiyi wei pəntv kaa pəsi na í tələyi na í yeki sɪ Yesu kəle Tacaa.

⁴ Mpi mpi pə saaki yəlaa ke İsə mpaav taa tə pə we ηka ηka ké. Ama İsə Feesuyu kuləmvuy ηkv kv yekina na pə saaki yəlaa. ⁵ Təma lapu we fakasi fakasi. Ama Tacaa kuləmv inɪ ɪ təma ke pa laki.

⁶ Kulapəm we ηka ηka, ilə İsə kuləmv inɪ ɪ tɪγvna pa tənaya kulapəmnaa mpe pa təna. ⁷ İsə Feesuyu húləyi paa wei ɪ kiη ké sɪ kv wee na kv yeki na pulə lapu saa pəntv iləna pa təna pá hiki kəpantv ke pə taa. ⁸ İsə Feesuyu haa nəγəlv iləye ləmayasəe təm yəγətəya. Na Feesuyu kuləmvuy ηkv kv ha nəγəlv ilə tətə sɪ í yəγətəγəna nyəm.

⁹ İsə Feesuyu kuləmvuy kune kv yekina na nəγəlv nά tisiyi İsə təə ké yuη ke teu. Na kú haa nəγəlv iləye kətəntvnaa waasuyv pəsuyv. ¹⁰ İsə Feesuyu yeki na nəγəlv nά laki piti təma, na kv tɪγv nəγəlv ilə sɪ í kpaələyi İsə kəheelitu, na kv yeki na nəγəlv nά nyəη na í fayasəyi əlvγaa nyəntv na İsə

Feesuyu nyəntu. Ku yeki na nəyǝlv ílé í yǝyǝtǝyǝna tǝmnaa mpa nəyǝlv u nukí tǝ, na ku yeki na nəyǝlv náá cǝkǝyǝna-tí na í tǝlǝsǝyí. ¹¹ Iso Feesuyu kǝlvmbuyu kǝnɛ ku taa ku tike ku lakǝna pǝ tǝnaya mpv. Ku yeki na paa mpi mpi pǝ lapv saa paa wei ké ŋka ŋka isu ku nǝkaa tǝyǝ.

Tǝnyyv pilimile kǝlvmtǝle

¹² Tampana tǝw Kilisiti wɛɛ ké isu yulv tǝnyyv pilimile wɛv na kú wɛna nǝhɛɛ na niŋ na ŋkpaŋŋ na isɛ na pǝ tǝnaya mpv tǝ. Tǝnyyv wɛv tǝ paa ku tǝw ku wɛna mǝpúyú waani waani tǝ pǝ tǝna pǝ kpenta kǝlvmb ké sɪ tǝnyyv. ¹³ Mpv tǝtǝyǝ na ta tǝna, paa tǝ ké Yuta nyǝma yaa tǝ ta kɛ Yuta nyǝma, paa tǝ ké yomaa yaa kasayampiya, Iso Feesuyu kǝlvmbuyu ŋkuyv pa sǝna-tuyv Iso lvm sɪ tǝ kpenti isu yulv tǝnyyv pilimile wɛv tǝ, na Iso Feesuyu kǝlvmbuyu ŋku ku lvm kɛ tǝ nyǝkɪ teu kɛ tǝ tǝna.

¹⁴ Yulv tǝntuyv pilimile wɛv tǝ pǝ taya nǝhɛɛ tike yaa niŋ yaa ŋkpaŋŋ yaa isɛ tike wɛnna. Ama pǝ tǝnaya mpv pǝ wɛnna ku tǝw. ¹⁵ Nǝhǝlɛ ka pǝsɪ na tǝ tǝ sɪ: Ma ta kɛ niŋ tǝ, ma ta kɛ tǝnyyv? Paa tu yǝyǝta mpv pu lǝsɪ-tɛyɛ tǝnyyv tǝw? ¹⁶ Nkpaŋuyv ká pǝsɪ na kú tǝ sɪ: Ma ta kɛ isǝlɛ tǝ ma ta kɛ tǝnyyv? Paa ku tu yǝyǝta mpv pu lǝsɪ-kuyv tǝnyyv tǝw? ¹⁷ Na pǝ wɛv mpv tǝ, ye isǝlɛ tike tǝkǝŋ wɛnna yulv tǝnyyv tǝna tǝw, pɛpɛyɛ yulv ká nuna tǝm? Na ye ŋkpaŋuyv tike wɛnna, pɛpɛyɛ yulv ká nuna sǝŋ? ¹⁸ Tampana tǝw Iso nǝka isǝna tǝ mǝpúyú ɪ lapa, ɪ tu yulv tǝnyyv tǝw ké paa mpiyí waani waani. ¹⁹ Ye kǝlvmbǝm ka wɛnna yulv tǝnyyv tǝna ɪlɛ pǝ taa ké yulv tǝnyyv nté. ²⁰ Ama yulv tǝnyyv na wɛv tǝ ku wɛna nǝhɛɛ na niŋ na ŋkpaŋŋ na isɛ na pǝ tǝnaya mǝpúyú.

21 Pə təə kə ıse ná kaa pəsi na á tə niŋ sı ye íle ı fei pə lá ıseəna? Na nyuyv ná kaa pəsi na kv tə nəəheə sı ye ale a fei pə lá ıseəna? 22 Pə fei mpyóyú paa pəco, mpi mpi pə kə taaləm nyəm ke yulv tənyv taa tə mpəxəle weesuyv. 23 Mpi tə nyənəyi mpyóyú taaləm tə mpəyi tə məla na té seena na pé kəli lempənaa. Na pə kaasa lempi, pəle pə yaav we feele, pəleye pa kələyi ŋmesuyv təkulakula, 24 na pə kəli tá tənyv təə lempənaa mpi pu mənəa sı tə la mpv tə. İso lapa yulv tənyv ke mpyóyú sı lempi í takəyi lempi waalı. 25 Pə təə kə fayəsvyv fei yulv tənyv təə. Ama pə tənə mpi pə we tənyv təə tə pu nəyəsəyi təmə təə kə tam kə. 26 Ye yulv tənyv təə lempi saləməyi, pə tənə pə saləməyəna, na ye pa sama yulv tənyv təə lempi, pə tənə pə samtv kə.

27 Mə tənə í kə Kilisiti tənyv kə, na paa mə taa wei ı kə Kilisiti tənyv kvne kv təə pulvrv kə. 28 Pə təə kə İso kpa tillaa ke Yesu seelaa kpekəle taa kə kancaalaya, pə waalı kə İso kvəyətvtv teləsəlaa, pele pa waalı kə seyesəlaa, pə waalı kə ı kpa piti təmə lataa, na kvətəntənaa waasəlaa, na lelaa tentaa, na nyuyv nyəma, na mpa təmnəa mpa nəyəlv ı nuki tə pa yəyətvyv saawa tə. 29 Pa tənə pa ta ke tillaa se, pəyele pa tənə pa ta ke İso kvəyətvtv teləsəlaa yaa seyesəlaa. Pa tənə paa pəsəyi piti təmə lapv. 30 Pə taya pa tənə pa waasəyəna kvətəntənaa, pəyele pə taya pa tənə pa yəyətəyəna na təmnəa mpa nəyəlv ı nuki tə, yaa təmnəa mpe pa teləsvyv. 31 Ye ı nyuləyi sı pulv lapv í saa-me, í nyulı mpi pə kəla nyuyv tə.

Maa hılı-meyə pənənteyə mpaav ŋku kv kəla ı tənə tə.

13

Təma səəlvyn təm

¹ Paa ma yəğətəyi yəlaa nsəma na isətəa tillaa nsəma tətə, ye maa səələyi yəlaa ma yəğətəya tənə wə yem ké isu suule wiikuɣu tə yaa kaŋkonte wiikuɣu tə. ² Paa pə wəe si Iso kəheelitu kpaalɣu saana-m, yaa paa maa nyi pə tənə na má cəkəna kəŋmesəm tənə, yaa paa maa tisa Iso tətə ké ma yuŋ ke teu na má yəğətəyəna pəəŋ si í kpesi na í layasi, na í kpesəyi na í layasəyi, na maa səələyi yəlaa, ma wə yem ké. ³ Paa ma apititu tənəya maa kpaɣa na má tala kənyəntənaa, yaa paa ma tənɣu mayamaya ke ma lapa awusa si ye pa wəki kəkə pa wə, ye maa səələyi yəlaa pə tənəya mpu yem ké.

⁴ Səəlvyn í wəe isayakənyulɣu fəi, ti həm fəi, isəcau fəi. ⁵ Ye səəlvyn í wəe fəele fəi nyəntə natəli tu kəŋ, ye səəlvyn í wəe yulɣu u pəkəyi i nyɣu nyəntə tike. Səəlvyn í wəe pááná mɣu fəi, səəlvyn í wəe té ku tisiyi si maa ná maa ná pə wəe. ⁶ Səəlvyn í wəe ku caa ku nu kawalaya taŋ. Ama tampana taŋ ke ku caaki. ⁷ Ye səəlvyn wəe cətɣu fəi paa mpi pə taa. Ye səəlvyn wəe paa mpi pə taa naani na tɛelɣu na suulu pə wəe ké.

⁸ Səəlvyn təm ka wəena tam tətə, Iso kəheelitu kpaalɣu ká si tənəya. Wei pə saawa na í yəğətəyəna təmnaa mpa nəğəlv u nukı tə pu te na pə té. Nyəm ká te na pə saalı yem. ⁹ Pə taya pulɣu tətə, mpi mpi tə nyəmá tə titite ké, na Iso kəheelitu nti tə kpaaləyi tə tələ tə səkəyi ké. ¹⁰ Ama pə kəma na mpi pə tewa təkpaata tə pə kəə, mpi mpi pə səkəa tə pə saaləyi yem ké.

¹¹ Maa ké pəyaya tə ma yəğətəya na ma hūwəe na ma kumayasəm pəcənyəm ké. Ama ma isə kəma na

á nyaalı tə ma lə pəcənyəm təna. ¹² Kayana tə naa ké isu pa naakvuy pulv iləemuyv təcantəlaa ke tin taa tə. Ama tu te na tə ná təkəlekele. Kayana mpi mpi ma nyəmə tə titite ké. Ama maə te na má nyi pə təna təpaipai isu İso nyəma-m tə.

¹³ Pənentə pə yelina yaasinəa pəne pa tooso ilə, naani na tēlvuyv na səəlvuyv. Ama səəlvuyv nté pa tooso taa acəpa.

14

Mpi mpi pə lapv saakı yəlaa tə pə təm tətə

¹ Ye mpv ilə í niina isə ke səəlvuyv təm. İ nyulı teu sı pulv lapv í saa-meyə İso mpaav taa tətə, ilə pə kələna İso kvheelitu kpaalvuyv. ² Wei i yəğətəxi təmnaa mpa nəğəlv u nukı tə pə taya yəlaa ke i yəğətəğəna, ama İso ké. Pə taya pulv, í na i yəğətuyv na i tēm nəğəlv u nu i təm tə se. Tampana nna a ka pama tə anəxi i kuliyina İso Feesuyv ton. ³ Ama wei i kpaaləxi İso kvheelitu tə i lakı ké na yəlaa nyəəki ton ke İso sēle mpaav taa. İ kpaasəxi pa apalvtv na í hēsəxi pa lanja ké. ⁴ Ama wei ilé i yəğətəxi təmnaa mpa nəğəlv u nukı tə i təxi i səəsəxi ton, na wei ilé i kpaaləxi İso kvheelitu tə Yesu sēlaa kpekəle tənaya i səəsəxi ton.

⁵ Ma səəla teu sı mə təna í yəğətəxi təmnaa mpa nəğəlv u nukı tə. Ama ma kəla nyulvuyv ke teu sı İso kvheelitu kpaalvuyv í saa-mə. Pəpətv fəi, wei i kpaaləxi İso kvheelitu tə i waasəxi na pə kəli wei i yəğətəxi təmnaa mpa nəğəlv u nukı tə. Ama ye nəğəlv wēē na í ká pəsi na í teləsi na Yesu sēlaa səsı ton pə paasi. ⁶ Ma taapalaa ma pəəsəxi-mə sı ye ma kəma mə te na má yəğətəğəna-meyə təmnaa mpa nəğəlv u nukı tə nti tə taa kēle ma waasa-mə ilə? Ma ta waası-meyə natəli tə taa ké paa pəcə pəcə. Ama ye ma kəma

na má heela-meγe təm kuηmesətu natəli, yaa nyəm təm natəli, yaa lə kəheelitu natəli, yaa seγesuyu, ulə teu nté.

⁷ Tə keesəna paale wontu na tə ná. Ye pa hüləyi həlaya yaa pa makı saηku, na pə hüləyu na pə mapu ta təη, isənaya paa cekəna sı tənəγe həlaya hüllü hüləyi na saηku matu makı? ⁸ Tutuyu hüllü í ta yaya apalı tutuyu, isənaya yulu ká nyəna sı ı tayanəyi ı təyi yoou tə? ⁹ Mpu tətəγə pə wεε, isənaya yulu ká pəsi na í cekəna təm nti ləlu yəγətəyi tə, ye təm nti nəγəlu u nukı təγə ı yəγətəyəna ı təm nti? Ye mpu yəγətulu lə ı təm ke yem ké. ¹⁰ Antulinya taa cənε nsəma təwəyaya, na a taa kuləmtələ fei nte tə ta ke təm tə. ¹¹ Paa na mpu ye wei ı yəγətəyəna-m na maa nukı ı təm, tə nyənəyi təma na ise ké. ¹² Mpu tə isı í səpu nyuyu sı lə Feesuyu í yele na pulu lapu saa-me tə, í pəkəyi sı pə saa-meγe teu. Ama pə kələna mpi pu səəsi Yesu seelaa ke təη tə.

¹³ Pə təə ké wei ı yəγətəyi təmnaa mpa nəγəlu u nukı tə, pəntu í sələmi lə na í hiki təm nti tə teləsyuy nyəm tətə. ¹⁴ Pə taya pulu, ye ma sələməyəna təmnaa mpa nəγəlu u nukı tə, ma taa ké pə sələməyi yem na ma ləmayasələ náá caya kpete. ¹⁵ Ye mpu isənaya maa la? Maa sələmi hatuu ma taa ké, na má sələməna ma ləmayasələ tətə. Ye yontu ma yoo ma taa, na má yoonaa ma ləmayasələ tətə. ¹⁶ Mpyúyú pə wεε mεε, ye hatuu nyá taa tike ke n seε lə ké í na təmlε, isənaya wei ı wε samaa taa ké yem na í tá cekəna tə ı ká nyəna timpi ulé ı ká tə sı: Ami, təγə nyá seetv tənε tə taa? ı kaa pəsi na í nyı nti n yəγətəyi tə. ¹⁷ Paa na nyá lə seεv sı í na təmlε tewa teu tə, ləlu ná ta waa puləyu pə taa.

¹⁸ Ma sama lə, mpi tə ma yəγətəyi təmnaa mpa

nəyəlv u nukı tə na pə kəli mə tənə tərpaı. ¹⁹ Ama isı Yesu seelaa seekuyv təcəyəcəyi tə pə kəla-m teu sı má yəyətı təm pee kakpası tike nti paa nu teu na pə kulıyı lələa ıse tə, na mpi maa hutıyı təməy təməy na təmnaa mpa nəyəlv u nukı tə pa taa tə.

²⁰ Ma taapalaa, ye í hıvki hıwεε, í yele pəcə nyəna. Ama ye ısayatv təm taa ıle, í lakı isı piya nsi sı ta nyı ısayatv lapv tə. Ama í wεεna səsəhıwεε ke mə hıwεε taa. ²¹ İso Təm taa pa ηmaawa sı:

Tacaa təma sı maa yəyətəna piitim pəneyε.

Maa yele na yələa kpaı nyəma

yəyətəna-wε na pεle pa tε taa.

Kpaı nyəma ká yəyətəna-wε.

Paa na mpv tə ma yələa kaa nuna-m.

²² Pə təo ké təmnaa mpa nəyəlv u nukı tə pa yəyətuyv saakuyv yulv na í yəyətəyi tə, ı yəyətəyi ké sı pə hılı mpa pa ta ke İso seelaa təyə puluyv. Ama mpa pa ké İso seelaa tə pu hılıyı pεleyε mpv. Na İso kəheelıtu kpaaluyv saav ná hılıyı İso seelaa kın ke puluyv. Ama mpa pa ta ke İso seelaa tə pu hılıyı pεleyε mpv.

²³ Ye Yesu seelaa kpekəle tənə í kotaa na pá tənə pá sıv təmnaa mpa nəyəlv u nukı təyə yəyətuyv, na mpa pa ta cəkəna yaa mpa pa ta ke İso seelaa tə pá mayana-mε, pa kaa yaa-mεyε kpaııtınaa? ²⁴ Ama ye İso kəheelıtu ke mə tənə í kpaaləyi, na wei ı taa ké İso seelv yaa yulv wei ı ta cəkəna pulv tə í sıv, tə tənə nti ı nukı mpv tə tu yele na pə kulı ı waalı na í ná sı ısayatv ke ı lakı. ²⁵ Na pu kulı ı taa hıwεε təo təkεlekele na í həntı İso tεε na í seε-ı na í təy sı tampana İso wε pane pa hekıv.

Liyıtuyı kaa wεε Yesu seelaa kpekəle taa

26 Pənentε ma taapalaa suweye tu yətəti na tε su yee? I kotiyi Işo sεεv tə, nəğəlv ná wena yontu, nəğəlv ıleye seyesuyv, nəğəlv ıleye təm kəηmesətv natəli nəğəlv ıleye təmnaa mpa nəğəlv u nukı tə tə yəğətuyv, na nəğəlv ıleye tə teləsuyv nyəm. Təv pə tənaya mpu pə wεε ké sı pə səna Yesu seelaa kpekəle na tε polo ləlv. 27 Ye pa yəğətəğəna təmnaa mpa nəğəlv u nukı təğəlv, yəlaa naale yaa tooso í yəğətəyi na pá kaasəyi təma, pa taa tεε mpu. Na nəğəlv náá teləsəyi-tı. 28 Ye nəğəlv fei sı ı ká pəsı na í teləsı pə hıwεε ıle yəğətəlaa mpe pa taa nəğəlv í taa yəğətəna nəğə səsəya ke samaa taa. Ama í yəğətəyi ı taa na pə wεε í na Işo pa naale pa təm. 29 Ye Işo kuyəğətutv teləsəlaa ıle, yəlaa naale yaa tooso í yəğətəyi na pə kaasa mpa, pεle pa mayasəyi teu ke nti yəğətəlaa yəğətəyi tə na pá ná. 30 Ama ye yulv nəğəlv wε samaa taa təna na Işo hula-ı təm kəηmesətv natəli, wei ı ka yəğətəya tə ılé í su na pəcó. 31 I pəsəyi na í kpaalı Işo kəheelitv ke mə tənaya kulvm kulvm, ılena pə kuliyi yəlaa ıse na pə ha-wεye apalotv. 32 Işo kuyəğətutv teləsəlaa mpe, pá nyı pa tı kpaav ke pə taa. 33 Mpi tə, heesuyv ke Işo kəηna pə taya liyıtuyv.

Yesu seelaa kpeka təna taa rıpyú pə wεε. 34 Ye Yesu seelaa í kotaa, alaa nəəsı taa í taa lu feη. Pa feına mpa sı pá yəğətəyi. Kəsəsutv yəğətə mpu sı alaa ká pasa pa təyi. 35 Ama ye pa caa natələyi pəəsuyv, pá kpema təyaya ıle paa pəsı pa paalaa. Yesu seelaa í kotaa, pə ta muna alaa í yəğətı.

36 Pə lapa mpu tə mə kiη ke Işo Təm ka lunaa ké yee? Yaa mə tike í nuna-tı? 37 Ye nəğəlv hıv sı ı ke Işo kuyəğətutv teləsəlv, yaa ınəyi Işo mpaav taa pulv lapv saawa, pıntv í nyı teu sı, nti ma ηmaa-mε tə Tacaa

kəsəsutv kέ. ³⁸ Ama wei í ta nyi mpv, pá taa nyəni-
si pvlb.

³⁹ Pə təə ɔle ma taapalaa í ká nyuləgi Isə kəheelitu
kpaalvɔv kέ, ɔle í taa kisi təmnaa mpa nəɣəlv u nukɪ
tə pa yəɣətɔv tətə. ⁴⁰ Pə təna mpi ɪ lakɪ tə í la ɪsu pə
nəɣəsənaa tə, í taa la yem yem.

15

Kilisiti səm na ɪ fem pə təm

¹ Ma taapalaa, ma səəla teu si pənentə má təəsɪ-
mɛɣe Laapaalı Kupaŋ wei maa kpaala-mɛ tə, wei
í nuwa na í təmna-ɪ mə taa kέ teu təkpataa tə.

² Laapaalı Kupaŋ ɪnɪ ɪ təə kέ pə yapa mə nyvɔv, ye í
təka-ɪ teu ɪsu maa səɣəsɔv-mɛɣe-ɪ tə. Ye pə taya mpv
í təm mə taa tə yem təə kέ.

³ Səɣəsɔv səsəv ɲku pa səɣesa má na maa səɣesɪ-
mɛɣe-kv təɣəle si: Kilisiti səpa tá ɪsəyatv təə ɪsu Isə
Təm taa yəɣətəə tə. ⁴ Pa pima-ɪ ɔlena kuyeeŋ tooso
wule í fe, na Isə Təm taa ka yəɣətə ɲpəɣú. ⁵ ɲpəɣú
ɪ lu Piyee təə, pə waalı kέ ɪ lu tillaa naanwa na naale
təə. ⁶ Pə waalı waalı kέ ɪ lu ɪ ifalaa mpa pa nyvɔv kəla
nasəle na nunwa (500) tə pa təə kέ nəɣə kvlmaya.
Pa taa lelaa wəna pa ɪsɛ, ama lelaa ná səpa. ⁷ Pə waalı
kέ ɪ lu Saaki təə, Saaki təə luw waalı kέ ɪ lu tillaa təna
təə.

⁸ ɪ lu ɲpəɣú pa təna pa təə na pə te, ɔlena í lu ma wei
ma we ɪsu yvlb wei pə həlvsa kuhəlvsv tə ma təə tətə.

⁹ Tillaa taa səkpəlu nté má, na ma ta tu nəɣəsəna pá
yaa-m tillu. Mpi tə, má naasayana Isə səelaa kpeka.

¹⁰ Ama Isə pəelee təə ɔle, ma kέ mpi ma kέ ɪsəntə
tə. Na pəelee nna Isə lapa-m mpv tə, a ta saalı yem.
Ama a təə ma lapa təmle na pə kəli tillaa ləmpa təna.

Tampāna pə taya ma toŋ taa ké ma lapənaa. Ama Iso pəeləe nna ı hula-m tə a təw ké. ¹¹ Pə təw ké paa ma cəwə pu lunaa yaa pəle pa cəw, tá waasu inəyələ, na nti í mowa təyələ.

Tá səm na tá fem pə təm

¹² Isənağa pə wəe na mə taa ləlaa təŋ sı sətāa kaa tē na pá fe? Pəyele Kilisiti fem na səm taa tə pə waasu ke tə wəe na tətə laki. ¹³ Ye tampāna sətāa kaa tē na pá fe ıle pə wəe sı Kilisiti ná tá fe nté. ¹⁴ Na ye tampāna Kilisiti taa fe ntə, tá waasu taa fəina nyəyū tətule, na í taa nyi nti í ká lana naani tə. ¹⁵ Ye tampāna sı sətāa kaa tē na pá fe, pu kula tá waalı ké. Mpi tə, pə wəe isu tə tı Iso ké təm nté. Pə taya pulv təw, tá yəyətəna na tá nəəsi sı Iso feesa Kilisiti pəyele yem. ¹⁶ Mpi tə, ye sətāa ı taa təŋ sı pa fe, Kilisiti ná taa fe mpv. ¹⁷ Na ye Kilisiti í taa fe ntə, í tēm mpyú mə taa tə pə puɣusa-meyə, na í lepa mə isayətı taa tətəyə. ¹⁸ Na pə wəe tətə sı mpa pa tēma pa taa na Kilisiti haləna pa səm tə pa lepa. ¹⁹ Ye tə wəv na tá isə ke isəntə tə pə təw tike ke tə tēləyı Kilisiti kiŋ ıle yələa təna taa tayale asalav nyəma mayamağa.

²⁰ Ama tampāna təw Kilisiti femağa sı pə hólí təkpatāa sı mpa pa səpa tə paa tē na pá fe mpv tətə. ²¹ Pə taya pulv təw, yulv ləlv kəna səm, na ləlv náá kəna tətəyə sətāa feesuyū təm. ²² Yələa təna na Atam pa kpentāa ké, pə təw ké pa səki. Ama pá na Kilisiti pa kpentāa təyə pa təna paa tē na pá kulı. ²³ Ama paa wei na ı loŋa ké. Kilisiti ke pa taaləna feesuyū ke pa təna pa taa, na kuyanku ı ká kəw təyə pa təna mpa ı tı tə pəle paa fe. ²⁴ Pə waalı ıle pə kəŋ tēm nté. Pə taya pulv, Kilisiti ká wakəli kawulası təna, ı ká ləsi pəsuyū təna na í yəki toma səsəna təna na í məŋna

kawulaya na í cela Tacaa Iso. ²⁵ Pə taça pulv, pə wεε si Kilisiti ká təkı kawulaya ke mprúyú haləna Iso te kolontunaa tənaya kəlvu na í məhna-wεye Kilisiti tεε. ²⁶ Kantəkaya kolontu wei paa wakəli təyε səm. ²⁷ Mprúyú mεε, Iso Təm taa yəyətta si: Iso məhna pə tənaya Kilisiti tεε. Na pa yəyətuyv mpu si pə təna tə, pə húlúyí təkεlekele si pa ta kpehna Iso wei i tu pə tənaya Kilisiti tεε tə. ²⁸ Pə təna pəkəh pə məli Kilisiti tεε ilena Kilisiti maγamaγa wei i kə pəyalv tə í məli Iso wei i məhna pə tənaya i tεε tə ílé i tεε. Ilena Iso təyə kawulaya təkpataa ke pə təna pə tə.

²⁹ I maγasi mpa pa yeki si pá səw-wεye Iso lvm ke sətta lona tə na í na. Pa tεeləyi si paa hiki weyele ilε yee? Na ye tampana təw si sətta kaa fe, pepe təw kə pa yeki na pá səw-wεye Iso lvm ke pa lona? ³⁰ Na tá, pepe maγamaγa nyuvv təw kə tə wu tá ti na tə wε səm nəyə taa kə paa kvyan̄ku? ³¹ Ma taapalaa, paa kvyan̄ku mevmv taa kə ma wεε. Pə taça pulv təw kə ma heeliyi-mεye mpu, ma mvyuləyəna mə Yesu Kilisiti təhuvv ke teu kə. ³² Ye ate cəne kawaaya nakəli ka təw kə ma na taale wontu tə suu han̄ ke lfeesu cəne ilε pepeyele pə waasa-m? Ye sətta kaa te na pá fe tə la isu yəlaa yəyətuyv tə si: Tə təyə na tə nyəw kprakpaa, cele tu si tə pə tə.

³³ I taa puyusi mə ti, taapalaa asayaa kin̄ ke yaasi isayav tεəkəna. ³⁴ I cvki mə taa kə teu ke isəna mpi pə wεε tə na í yele isayav. Mə taa ləlaa ta nyi Iso, í tεε í fei fεεle.

Mpa paa fe tə pa wεεtv

³⁵ Ntanyi nəyəlv ná wεε na í maγasəyi si isənaya sətta ká te na pá fe ilε yee? Na pa tənəh ká wεε isənayale? ³⁶ Kumeləh nyá, n tuukuγu pulv pəle ke

ate tə, pəle n̄té tə saaləyi tətə tēe ké ɫena hoole n̄áá nyə. ³⁷Pə taya pəle ke yem ké n̄ tuuki? Pə pəsəyi pə wēe si təɣənaya pəle yaa pulv kətutuuum paa mpi. N̄ ka tuukaya tə, pə fei isu kayana pə nyəv isəntə na pə wēe hatv tə. ³⁸Mpi Isə n̄kaa tə mpəyi i lakı na pəle n̄té tə nyə, na i yeki na paa pəle nte tə nyə isu tə wēv tə.

³⁹Weesin̄ nyəm təna tənəh̄ fei kulvməh̄, yəlaa tənəh̄ wena i m̄paa na wontu nyəh̄ n̄á wena ílé i m̄paa tətə. Sumasi tənəh̄ wena i m̄paa ké na tiina tənəh̄ n̄á wenna ílé i m̄paa tətə.

⁴⁰Isətənyv̄ taa nyəm wēetv̄ wēe ké na ate nyəm wēetv̄ n̄áá wēe, na isətənyv̄ taa nyəm wēetv̄ teu fayana ate nyəm wēetv̄ teu. ⁴¹Ilim wena pə mayamaya pə teu ké, na isətv̄ n̄áá wena ílé i nyəm, na isətəlv̄nası n̄áá wena səle si nyəm na si m̄paa, na isətəlv̄nası mayamaya teu tēe təma.

⁴²Sətəa ká te na pá fe tə m̄p̄yú paa wēe. Pa piñuyv̄ yulv̄ tə, i səpaya. Ama pu kəə na yulv̄ fe səm̄ taa tə u tasəyi səpv̄. ⁴³Pa piñuyv̄ yulv̄ tə i fei teu se. Pəyele i ké icam ké, ama pu kəə na i fe səm̄ taa tə i teu na i toma pə taka. ⁴⁴Pa piñuyv̄ yulv̄ tə, tənvyv̄ k̄n̄eȳe pa piñ. Ama pu kəə na yulv̄ fe səm̄ taa tə tənvyv̄ ŋku i ká luna tə k̄v̄ ké ŋku Feesuyv̄ ti təɣə. Pə taya pulv̄, tənvyv̄ k̄n̄e k̄v̄ wēetv̄ wēe ké na tənvyv̄ ŋku Feesuyv̄ ti tə k̄v̄e k̄v̄ wēetv̄ n̄áá wēe. ⁴⁵K̄v̄pam ké, Isə Təm̄ taa yəɣətəyi si: Kancalaya yulv̄ n̄té Atam na pə ŋma-i tə pə tv̄-i weesuyv̄ ké. Ama waalı waalı Atam n̄á ké Isə Feesuyv̄ ŋku k̄v̄ haa weesuyv̄ təɣə. ⁴⁶Pə taya wei Feesuyv̄ ti tə in̄i i caaləna luv̄. Ama tənvyv̄ k̄n̄eȳe, pə waalı ké wei Feesuyv̄ ti tə i luwa. ⁴⁷Ate tətə ke pa ŋmana kancalaya Atam. Ama waalı waalı Atam n̄á luna isətəa ké. ⁴⁸M̄pa pa ké tətə təə nyəma tə pa

nəxəsəna wei pa ηmana tetu təyə, na mpa pa ké isətaa nyéma tə pa nəxəsəna wei ι luna isətaa təyə. ⁴⁹ İsu tə nəxəsənav yulv wei pa ηmana tetu tə, mırύύ tu te na té nəxəsəna wei ι luna isətaa tə.

⁵⁰ Ma taapalaa nti ma yəxətəyi təyəle si, yulv tənuyv ηku pə ηmawa na kv taa na caləm tə ku pəsəyi na kv təyə İso Kawulaya ke paa pəcə. Pəyele kusəpəm ná kaa pəsi na pə caya tam na pə kaa si.

⁵¹ Natəli tə wenna na té ηmelaa, maa kuli-ti na í ná. Ntəyəle si tá tənə tə kaa si. Ama tá tənə pu te na pə layasi-tuyv wəetv ke ⁵² təm kuləm təə ké kprakpaa isu isə cəpəlvuyv ke waatv wei paa hulι akantəle si pə tənə pə su tənaya tə. Pə taya pulv, pá kəma na pá hulι-te, sətəa feη ké, pa kaa tasa səpv, na pu layasi taya wəetv ke kulayasu. ⁵³ Tampana təə mırύύ mēē, isu mpi pu cakı tam tə pə kraya mpi pə cakı tam tə na pə tv pə təə, na mpi pə səki tə isu pə kraya mpi pu səki tə na pə tv pə təə. ⁵⁴ Pə kəma na mpi pu cakı tam tə pə kraya mpi pə cakı tam tə na pə tv pə təə, na mpi pə səki tə pə kraya mpi pu səki tə, ile nti pa ηmaawa İso Təm taa si pa nanja səm tənəηnanη tə tə lapa tampana nté.

⁵⁵ Səm leye nyá akaitv wēē?

Səm leye nyá toma wēē si í kú?

⁵⁶ İsayatv haana səm ke toma si pə kv, na kusəsutv səsəyəna isayatv. ⁵⁷ Ama İso fəə. İni ι yelina na Tacaa Yesu Kilisiti lakı na té kələyi.

⁵⁸ Pə təə ile ma taapalaa kupama, í təkı mə təyi teu na pulv í taa ciyiti-mē. Paa kuyayku í sēēsi isəle na Tacaa təmle lapv. Pə taya pulv, í nyémá si mə na Tacaa í krentaa na í lakı təmle nte tə pə kaa saalı yem.

16

Lələa sənav təm

¹Ma tasəyi-meyə lenti, ntəyəle İso yələa mpa pa we Yosalem tə pa sənav təm. İ la teitei İsu maa keesuyu Kalatı Yesu səelaa kpeka tə. ²Paa mə taa wei í ləsəyi liyitee ke cimaası cimaası na pə keesəna isəna mpi i hikaa tə na í sukəna a mpa. Ye ma kəma má tala, pə taa wee si í kəna mə kəhav mə kəhav. ³Má kəma ma kəə maa tili yələa mpa í ká ləsi tə na má la-weye takəlaya na pá krentəna mə kuvəəv na pá pona Yosalem. ⁴Na ye pə tu wee si máá pona, paa su-m na má na-we tə polo.

Nti nti Pəəli ká la tə

⁵Maa kəə mə te te, ama Masetoni tetv taa ké maa təhna na pəcə má kəə. İsu ma təhna Masetoni na pəcə. ⁶Ntanyı maa caya wee naaleye mə te. Pə ta tu səh təca, hilimate waatv təna maa wee, na má tu kəma si ma puki paa timpı, í ká səna-m ké na má polo. ⁷Pə taya pulv, maa caa si pə wee si teev taa ké ma təhna na má na-meyə kənav. Ma taa wee si ye Tacaa luyı í lapa, má talaa maa caya mə teye wee naale.

⁸Paa na mpv ma huv si İfeesu taa cəneye Pentakənta ká mayana-m. ⁹Pə taya pulv təə, paa na kolontunaa təə cəne tə, pə ha-m mpaav ke teu ké si má la təmle səsəle.

¹⁰Timotee í kəma i tala, í mv-i teu na i lanle hee. Pə taya pulv, i laki Tacaa təmle ke teu ké İsu ma lakuyv tə.

¹¹Nəyəlv í taa kpeəna-i. İ səna-i na pə səna-i i mpaav taa na lanhulvmle na í məli ma colə, má na tá taapalaa tə tənə-i ké.

¹² Ye tá taapalv Apólwəsi təm ilə, tam ké ma kaana-ı sı í na tá taapalaa ləlaa pa kəw mə tē. Ama ı luyv fēi paa pəcə sı í kəw nəənəw. Ama í hika pə kuyakv ı tēj í kəw.

Kantəkaya kvttvtv na sētv

¹³ ı fēj na í təkı İsə sēv mpaav kē teu. ı nyaya apalvtv, í nyəw tōj. ¹⁴ Paa mpiyi í lakı í la təma səlvuyv təw.

¹⁵ Ntəj í nyəmə Sətefanası na ı nyəma na? ı nyəmə sı Akayi tetv taa mpe pa caaləna İsə sēv muyv, na pa lapa İsə yəlaa payale kē kookalı. Ma taapalaa ma heeliyi-me sı, ¹⁶ yəlaa ısu mpe na pa təna mpa pá na-we pa ıselə sēna təmlə lapv tə, í təjəyi nti pa heeliyi-me tə.

¹⁷ Ma lanjle hēna Sətefanası na Fəwtunatusi na Akaikusi pa kəntē ké. Ye mu wenna ma kinj timpi í kaa í sənə-m tə mpe pa kəma ilə pa sənə-m yoo.

¹⁸ Pa kraasa ma apalvtv ısu pa kraasuyv mə nyəntv tə. Yəlaa ısu mpv pə taka ké pə muna í saj teu.

¹⁹ Asii tetv taa Yesu sēlaa kpeka sēe-mē. Akilaası na Pilisila na İsə sēlaa mpa pa kotiyi pa təyaya tə pa ha-meyē İsə sēlaa sētv kəpantv. ²⁰ Ta taapalaa təna mpa pa we cənē tə pa sēe-mē.

ı sēe təmayə teu na í ləli.

²¹ Pəwli mə ma mayamaya ma niñ kē ma ηmaana təm tənē sı ma sēe-mē.

²² Ye wei u caa Tacaa, mpusi í təji-ı.

Malanata, Tacaa kəw mpv.

²³ Tacaa Yesu í la-meyē pēlēē.

²⁴ Yesu Kilisiti təm taa ma səla mə tənaya.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377